

研經堂詩集卷九

丹陽吉夢熊涓厓著

入閩集

舟泊洪山橋

橋北有海神祠祠內刻詩陷壁按橋為按察使某公平時多善

政自閩移粵於其去也閩人作詩紀其事題曰栢府廣公去思詩

建溪溪水流向東洪山山岸迎飛濶南北兩涯不

可通矯然長虹亘天半大夫持憲推強幹成梁人

免渡頭喚我來扁舟橋下維摳衣肅謁海神祠周

覽堂廡吟新詩大書深刻為誰作惟有栢府求民

研經堂詩集

卷九

一

瘦配古循吏庶無忤

水口

秋風吹不息帆席向雲涯候館三更柝平田兩部

蛙人煙迷橘浦漁火照蘆簑浩瀚山泉匯乘流夜

轉佳

秤鈎灘

下水灘之右上水灘之左灘以秤鈎名灣環形稍

稍混沌未開鑿山骨蹴訝闢下水勢建瓴去帆疾

於竒惟有上水難雲罅爭堆塚撐篙手則顛搖櫓

腰必鞞長或百丈牽短或尺纜托飛猿高忽下步



步歷坎珂周廻綫路微曲折烟磯鎖踞呼發聲厲
那許用力果轉移便捷水人工振柁當其傾側
時篷窗頻起坐焉得巨靈斧手劈此磊砢川流浩
蕩中鏡面浮輕舸

過張塢灣

石筍中流出硯磑激水紋挽舟如過嶺喚渡欲梯
雲天地平陂迭川原險易分終焉仗忠信安穩對
鷗羣

抵延津

石函光射斗牛躔神物雷華告茂先千載飛濤衝
研經堂詩集

卷九

二

不散太阿終竟伴龍泉

過黯淡灘

倒挂筠篙上急灘筍輿風雨聽鳴湍何當霹靂投
長斧粉碎中流萬礎蟠

抵建寧郡

百丈懸崖過使車岸容回曲水紋斜登盤今日嘗
新味買得街頭澤瀉花

重九日在建寧使院以糗餼花飲鬪分曹命

題試士

黃花時節各飛毫小宋新詩試爾曹若箇羣經能

檢遍許憑試席一題糕

建州雜詠

貞元常袞此研膏

張舜民畫墁錄有唐茶品以陽羨為上供建溪北苑未著也貞元中常袞為建州刺史始

蒸焙而研之謂研膏茶

鳳餅龍團造作勞

大觀茶論

本朝之興歲修建溪之貢

一自密雲龍始出

錄熙

宣和神宗有旨

更教中澹韻彌高

大觀茶論茶之為物擅區閩之

建州製密雲龍

秀氣鍾山川之靈稟祛襟滌滯致清導和則非庸人孺子可得而知矣冲澹閑潔韻高致靜則非違

遽之時可得而好尚矣

陰崖陽岫樹陰濃黃蘗山前訪舊蹤倩得文通五

色筆寫全十二碧芙蓉

因樹屋書影江淹有遊黃蘗山一首江會為浦城令

研經堂詩集

卷九

三

遊福清之黃蘗山也

麻沙十里接書坊

宋乾道間朱子建同文書院以貯圖書地名書坊去麻沙十里

今俱為米鹽墟市矣

蒼萃羣書似酉陽不見同文舊時院斜

陽墟市說滄桑

九經古籍誤秦灰校勘精良說相臺會取建州余

氏本遺堂勤有沒蒿萊

岳珂相臺書塾刊正九經三傳沿革例云世所傳九

經自監蜀京杭而下有建余氏興國于氏二本皆分句讀稱為善本余以家塾所藏唐石刊本晉天

福銅版本京師大字舊本紹興初監本監中見行本蜀大字舊本蜀學重刊大字本中字本又中字

有句讀附音本潭州舊本撫州舊本建大字本俞詔卿家本又中字本四本婺州舊本並興國于氏

建余仁仲氏二十本又以越中舊本註疏建本有音釋註疏蜀註疏合二十三本參訂入梓按余仁

仲居勤有堂卽今書
坊地也去麻沙十里

建州使院得房師觀察張九鑑湖南書却寄

高步詞場老斲輪廿年隔面憶吟身幔亭溪盡三

三曲湘水書來六六鱗多病屢移燒藥竈獨遊常

入種桃津一編退圃鐫成集先生以退圃詩集見貽風格脩

然迴絕塵

邵武雜詩

東堂小築碧山隈菜甲蓮花處處開釣水樵山無

限好况教新授卦圖來邵武積善山宋呂勝結廬於此名東堂朱子有東堂

九咏其野塘小隱詩云傳得希夷八卦圖歸來不復夢榮途

研經堂詩集卷九

四

官帖恩頒二府殊未攬銀鋌亦模糊有人嗜古能

刊誤自此書家重董狐黃伯思著法書刊誤

請和遷國事都非賸有孤臣重國威故里少陽祠

廟壯謁公祠廟益獻欵謁李忠定祠作

劉總不作鍾嶸查逋客嚴羽號滄浪逋客連篇好說詩妙

悟矜人别才誤少陵萬卷亦何爲滄浪詩話詩有別才非關書也

汀州雜詩

清流流上九龍灘拍手篙師法涌瀾作力挽舟穿

石罅石尤風裏報平安

秋雲薄薄山前橫秋月團團海上生神物護持留

好句不知何處夜吹笙

鄭文實宦化人過緱氏山詩秋陰漠漠秋雲輕緱氏

山頭月正明帝子西飛仙馭遠不知何處夜吹笙晏殊守洛過而見之取樂天語書其後曰此書在在處處有神物護持

竿旗纒刃便從戎貢舶遙從海道通五虎門前軍

蟻附一時揮淚說三忠

陳友定歸化人弇州四部稿竿旗而纒刃非有武軍

之利也明史舟師抵福之五虎門蟻附登城守將通去參政尹克仁宣政使朶耳麻不屈死僉院拍帖木耳殺妻女自焚死拘友定械送京師並其子殺之漳州路達魯花赤迭里彌實自殺時稱閩有三忠謂有定拍帖木耳迭里彌寔也

陽鳥啼時短水來索郎有顧綠尊開謝公樓上好

風月賭取青蚨買凍醅

張九齡詩謝公樓上好醇酒五百青蚨買一斗酒樓

研經堂詩集

卷九

五

在汀州城南陽鳥長汀酒名短水上杭酒名黎士宏詩一厄陽鳥各寒温又云新泉短水拍香浮

父爲郎罷子爲囹草木髡鉗恨莫支何限從師學

道好新年勝是故年時

漁隱叢語閩俗呼父爲郎罷子爲囹顧况詩郎罷別

囹囹別郎罷山谷送秦少章往餘杭從蘇公詩斑衣兒啼真自樂從師學道也不惡但使新年勝故年卽如常

在郎罷前
玉山樵人詩百篇亂後題署義熙年視草金鑾曾

夜直燒殘鳳燭罽寒烟

宣和書譜韓偓自號玉山樵人夢溪筆談偓有手寫

詩百餘篇在其四世孫奕處偓天復中避地泉州之南安子孫遂家焉慶歷中子過南安見奕出共手跡字極淳古可愛後請闕獻之以其忠臣之裔得司士參軍終於殿中丞十國春秋偓終於南安龍興寺自貶後以甲子歷歷自記其詩皆手寫成帙歿之日家無餘財惟燒殘龍鳳燭一器而已

鼓山

涼秋冒雨出重闈到此依然鎮海濱水氣混茫山

色淨中天一覽勢嶙峋程鉅夫和寅夫鼓山詩福地同遊勝獨往中天一覽

破千聞

泉州

清源軍授晉江王布素門風率故常協律郎官丁

役罷部民尙自憶秋堂宋史留從效每歲取進士明經謂之秋堂

建寧

桴鼓喧闐下麗譙頭陀軍擁紫駟驕降旛一片轆

門豎塞北將軍此射鵬元史完者都傳黃華聚黨擾建寧號頭陀軍納款完

研經堂詩集

卷九

六

者都因大獵有一鵬翔空應弦而落華大悅服

興化

海獸蒲桃範漢銅度來破屋氣穿虹閒翻草本虫

魚譜輿論何疑滌上翁元陳旅賦漢獸蒲桃鏡詩一朝愁殺滌上翁破屋日

夜穿晴虹鄭漁仲六經輿論唐荆川載之稗編曝書亭疑非漁仲作

館閣還需大雅羣泉南使者播高芬元史陳旅傳旅爲閩海儒

學官遼御史中丞馬雍古祖常使泉南一見奇之謂旅日子館閣器也胡爲留滯於此

折節山林士垂老斯文付托勤

荔枝

頰如火齊白如肪小摘圓勻色味香綠李楞梨無

此格果中第一合先嘗

全芳備祖引國史補遺云李直方常第果品以綠李

爲首櫻梨爲副櫻桃爲三柑子爲四蒲桃爲五或曰若論爲首當用荔枝

曲江賦與忠州詩未遇閩天真荔枝疑似水晶融

絳雪麟臺題品少人知

蔡君謨荔枝譜九齡居易雖見新實驗今之廣南州

卽與夔梓之間大率早熟肌肉薄而味甘酸其精好者僅比東閩之下等是二人者亦未遇真荔枝

也後村詩麟台仙人稱題品天爲此果開遭逢

天與冰肌襲絳裳西湖艇子足徜徉傾城風骨真

憐汝零落當時十八娘

閩王審知女弟十八娘好食荔枝因此得名其女塚

在福州城東報恩院塚旁有此樹

丙申除夕

在漳州作

研經堂詩集

卷九

七

君恩高厚命持衡奉使今宵兩歲羸敢謂論文扶大雅

祇期講禮約諸生剪來燈影三更促映出冰心一

片清遙憶鄉園兄妹好承歡慈母慰離情

輾轉征車瘴海濱裘裏往事轉傷神椒花明日還

誰頌梅樹當簷祗獨巡攬鏡蕭疎今夕髮開奩寂

寞隔年身黃門卒歲無聊賴淚漬衾裳薦藻蘋

陳時

夫人歿一年矣

按試永春以背寫十三經暨作經解詩賦來

應試者三百人就中童子年九歲至十五

歲者十二人別置一所嚴加考試錄其文

理通順者三人德化縣許元生徐鳴鳳永春州曾鵬程詩以

示之乙未初夏

四齡讀賦完三都六歲誦詩日九紙古人早慧傳
史書渥注生駒志千里使者按部來永春山圍水
繞民風淳口銜

天憲試多士觴辰玉映十二人就中許生寫十經童烏
應入草元亭徐生寫經簿有七背誦豈數知風丁
曾生卯角操鉛槧初學吟詩辨通轉得非驃騎所
掄才賦駕賦席並賦犬其餘九人亦迅驟求衣就
學希元胄期爾文章老更成自昔書升惟論秀勗

研經堂詩集

卷九

八

哉三子母矜夸浩如烟海詎有涯詞賦傳者正且
葩別材非學流卑哇讀書豈徒記章句漢儒緒論
存箋註能抱遺經究終始始說文章歸阿士

試院硯銘

石墨相黏素液融元精耿耿勿爾蒙

南安

結廬松下竹簾青石研磨穿注道經只有蘇州是

知已五言高出郡中廳

韋應物寄答秦十四拔書詩莫道謝公方在郡五言

今日爲君休權德輿云長卿自以爲五言長城系用偏師攻之雖老益壯故應物有五言今日爲君

句之

甘泉漢瓦歌爲林學博擊天賦 詔安訓導林

舍人林佶之孫林侗之姪孫攜甘泉瓦硯
過謁余爲摹搨一本還之繼以素冊請題
句乙未元
巨爲作歌

谷口崇構甘泉宮露寒鳩鵲相西東孫卿誕說樓
居好通天臺與寥天通後來淵雲奏賦頌譎摧
嗷辭難窮長林公子早嗜古趨庭縱目心豪雄匹
馬短衣東渭外彎弓射虎南山中日暮烟橫雲黯
黯寶氣迸出荒榛叢拾得土間一片瓦歸來刷洗
排氛零雲紋紋長生未央字瓦陰篆長生
未央四字斯邈篆法

研經堂詩集

卷九

九

山人竹垞叟甘泉漢瓦書題同詔安學博攜過我
述祖爲我陳始終摩挲試滴方諸水食墨宛宛琴
中蟲封臍拊埒通火氣搏此尤物清雙瞳羽陽銷
沉銅雀沒灑面仙淚盈金銅楚王廟磚不可辨香
姜閣瓦誰爲礪建安興和六篆隸容齋逝後塵沙
蒙容齋續筆先公在燕得瓦硯二大者背有隱起
六隸字曰建安十五年造小者腹有六篆字曰
大魏興和年造興和乃
東魏孝靜帝紀年也搜崖剔窾忽得此羸劉故
物光熊熊晴窗摹搨一本過還之學博繡以幪莫
似灘哥昔年石僅寫梵夾傳房融書懸四庫憑撰
述且爲爾歌填其空

題恕齋主人畫山水為越海將軍永德賦

大山小山重復重往來靈氣淨空濛是誰潑墨超
凡庸恕齋主人運腕工主人常騎雪色馱簪毫隨
輦登龍從翠巘高秋畫格崇裝池進御回

重瞳

主人畫翠巘高秋圖製詩精神直欲逼思翁

御

此圖塗灑興象濃自言

摹擬房山翁本來邱壑藏心胸能脫凡骨是所同
巉巖蜿蜒萬木叢回徑絕澗平橋通異景收拾團
扇中持贈閩南幕府公公命題詩狀墨蹤却憶金
焦江上峯鄉園山水苔逕封展圖夢寐思支筇

題觀察使陳淮檣棹太湖小照

研經堂詩集

卷九

十

山色微茫湖尾巘水波容與檣頭船天然一幅瀟
湘景白雨青篙破曉烟

君家畚畫溪頭住捲簾移居清潁間何日銅官還
理櫂披圖重見五湖山

題觀察使陳淮玩松圖

君家舊藏雲林畫中有萬松疊翠圖烟雲過眼已
陳迹披尋題識忘朝晡倪高士為陶南村作十萬
圖歸觀察會祖定生先生
所不知何年轉徙入閩有諸生鄭一安者付之質
庫得番銀百二十鍰至期不贖一安以賈人林華
市之粵商潘姓獲厚值心不服訟于學使之庭因
檄縣對簿則質期早渝賈人稱已鬻于江南吳姓
不可得見矣一安讞狀詳錄題識卷中載十萬圖
記云十萬圖者萬笏朝天萬松疊翠萬點青蓮萬

竿烟雨萬林秋色萬卷書樓萬壑爭流萬丈飛流
萬枝香雪萬峯飛雪也每圖皆有雲林跋語余以
此畫爲觀察家舊物因錄題識全付觀察觀之
觀察意惘惘因錄一通以歸茲題其玩松圖小照
並附一幅春衫映清樾相賞祇在凌雲株祖孫愛
識焉

畫入骨髓偶然寄興無差殊憶昔淨名好山水五

湖三泖浮菰蒲招邀外史自句曲尋訪道士來方

壺几安彝鼎皆古色眼中人多方外徒有時九龍

浮一舸娉婷髮髻攜名姝

雲林自跋萬點青蓮云
夜來同惟寅羽士張伯

雨方壺子論右丞詩中畫畫中詩快然曠遠意致
過人眞希世高品連衍二冊又跋萬壑爭流云此

紙同輕雲安錫山
觀玉蘭寫于舟次盤礴揮灑出天趣千巖萬壑紛

奔趨蕭閑之堂清閣閣烟霞暮歷樹模糊南村已

研經堂詩集

卷九

七

逝畫卷在銅官什襲藏紗幮緬思石壓兼手撫何

意轉徙歸庸奴傳聞此畫去吳粵粵嶠舊部吳枌

榆觀察向爲廣州太守
吳中是其故居也

或者至寶不終棄謹龜陰

田歸魯都因君獨坐青松下爲君題句撚髭鬚

觸偶及倪迂卷底須急切追亡逋物理隱顯不可

識轉移有若風中鳥知君寓意非留意澄懷息靜

超僧趺

題方伯錢琦呼龍畊烟種瑤草第二圖

龍乘雲鱗之而爲天用德普施螻蛄鳴秋風吹謝

衆芳賚菜蔬情信娉畦留夷布嘉種無失時排烟

逕涉青遠托長鑱手植之若歲旱甘霖爲鳴應鼓
葩華滋朝及夕攬拳毗充君佩珣玕琪

題方伯錢 早潮第二圖

我登北固峰極睇滄瀛東三山渺何許凌雲意無
窮披圖豁雙眼初日扶桑紅百寶出地底光怪馮
夷宮

初起如鷺翔少間輒雲亂卹然足駭人吳客屢咨
歎振衣千仞巔乾坤開壯觀本無芥蒂存卽事欣
浩泔

赭山障其北龕山峙其南海門一以劃蛟龍起會
研經堂詩集 卷九 七

潭濤頭應日月此理孰與參石雞送清響獨立副
奇探

題方伯錢 雪棧圖

揚一益二名相偶山川勝蹟流傳久使車頻駐淮
海間前旌又屆袞斜口豈徒司馬檄能工直爲文
翁符再剖朔風吹雪下層霄萬點瓊瑤綴林藪紆
迴雲棧望迷離一綫欹危兩崖陡僕夫遙指界牌
關精藍竹泉世稀有爲訪仙人徐佐卿飛仙高閣
橫蒼阜是誰作此淡墨圖撫卷寒姿颯窗牖驟綱
昔擅王右丞暝色獨歸杜陵叟飄然結束唐人裝

清絕從遊物外友抱膝長教文度隨卷囊付與小
奚負太陰霑霽涵空濛行跡蕭疎記誰某過關憑
說七賢蹤化蜀方知扶雅手澄源遠溯江流雙畏
道宣辭坂折九

陳觀察

淮

未雨堂硯銘

中央瑩如三五夜水滴方諸渟不瀉前有均堂百
寶生陽巘陰崖峙其下海岳研山相匹亞

研經堂詩集卷九終

研經堂詩集

卷九

十三

研經堂詩集卷十

丹陽吉夢熊涓厓著

孫鍾穎刊

京邸初集

送同年學使盧

文弼

旋里卽和其留別韻

明宵鞭影拂青絲羅刹江寒卸騎時檢點行囊書
數篋纏綿別緒酒盈卮喜歸駱馬能將母况復麒
麟帶好兒何事江淹增惻愴雙魚頻到慰相思

和禮部侍郎金

銜

重寓澄懷園韻

浦雲山雨過流光江上歸來入翠房苔蘚經年仍

研經堂詩集

卷十

一

滿徑牕扉臨水似浮航藍田合住王摩詰絳帳重
居馬季長下直自餘高興在登樓凝望月如霜

巋然耆宿魯靈光千卷圖書占一房授簡豈誇梁

苑賦懷人多上越溪航

陳太僕兆崙謝閣學璠先後居此宅俱歸浙西雲

深夏屋君恩厚地接周廬瑞靄長晨夕從公借

出入青松晚翠耐冰寒

題司馬姜

震

琴鶴歸舟圖

司馬爲萊陽姜給諫球曾孫其子比

部郎展余已卯所得士也

勇退扁舟下楚汀輕裝依約逐江萍指間靜按調

琴法雲表閒披相鶴經望斷龍髯頻述祖

如農給諫赴宣

州衛詩哀職猶思
補龍髯竟絕攀

含來雞舌樂趨庭何人添寫歸

帆景海涌峰高一角青

種栢行爲中丞傅爲詩賦

廣庭自古掄羣材孤卿九棘公三槐槐以爲懷棘
以刺名稱義理胥兼該御史府中列栢樹飛烏朝
夕紛毳毳西方正色何年落蕭蕭驄馬嘶蒼苔建
水中丞領臺寺命取貞木新移栽托根得地堅鐵
石抽枝挈雲高崔嵬廳事猶非劉尹柳孤山豈比
林逋梅要令朝陽集鳴鳳歸昌賀世無喧豨憶昔
傳聞柯學士潛玉堂手種雙名才西涯一日行百

研經堂詩集卷十

二

匝

李東陽學士栢詩我行樹陰日百匝雨葉風枝
自蕭颯惟有諸生識我情傍人不解空嘲狎

愛人及樹心徘徊我初入館訪遺蹟清風柯亭名亭

畔蒼烟開公今名位邦司直植茲嘉幹刪蒿萊好
耐風霜抱冰雪晨澆夕灌勤滋培當使寥寥百世

後仰瞻積翠矜丰裁

大學士尹繼善招飲絢春園以誰家數去酒

杯寬爲韻

公昔駐節鍾山匪搜才禮士羣追隨甲子秋試相
國延見紫陽

書院肄業諸生給以卷
夢熊初識公時也公今毓德承華裏談經論

史拘何誰暇日午橋開犖确招同勝侶來揚摧但

使蘭言臭味親寧須簪盞過從數芳辰二月紛韶
華西山爽氣無雲遮杏酪榆羹列野饌松濤竹籟
聞山家軟紅塵土何曾有濠梁枉詫蒙莊叟魚鳥
親人此地偏細論文字傾尊酒漫將詞賦詡鄒枚
亦莫遊覽誇王裴元臣下直數晨夕琴移珠柱書
玉杯絢春飛白

丹臺御

至尊優眷人師處濃春好景絢爛時燕語鶯鳴自來去
名園次第且盤桓長吟一洗儒生酸喜起明良遭
盛際廳事寬由心地寬時同蔡大司寇新奉少司馬碩亭先生寬金少宗伯

研經堂詩集卷十

三

生劉少司空星輝莊閣學存與毛常少輝祖李學士中簡邊學士繼祖汪學士永錫胡宮庶高望湯先甲

敬承堂耆年讌會詩

梧州太守李宗袁序云上海曹君錫年百壽集

里中高年者得十有九人皆八十餘歲爲眞幸會宗袁年未六十叅與末坐自比於狄盧之例云

中庭敞高會旨酒陳樂方坐有百歲翁矍鑠何精
強其餘十九人各各鬚眉蒼梧州李太守繡縷言
尤詳生逢堯舜時耕鑿含淳風叶和氣極旁魄日
月修以長帝符告曼壽吾儕遊太平叶追歡睢陽
里接武履道坊自非盧與狄不在肩隨行我時聞

此言壤歌想姚唐介雅酌大斗引翼胡可量作詩
歲庚寅昏翼旦女中叶

題學士秦大士柴門臨水稻花香圖

江鄉山水天下佳圩田漠漠青無涯我本農家習
農事沾塗誰復辭勞勩犁田浸種抽新芽頻覬潮
候草灰加晝扈喑喑夜嘖嘖驅除不受蝗蝻厄非
其種者鋤去之培根澆幹無已時輕颺吹送稻花
香連雲羅穰遮方塘肯邀隣社沽村酒力穡逢年
歲其有自從策蹇來京國柴門風景追不得前年
一過萬泉莊東阡西陌互相望若為結屋湖田裏
行行何數桃源水今年逢君開畫圖宛憶茅亭江
上居但當歸買田一區不令素食慚農夫

研經堂詩集卷十

香巖題王文成斷碑硯為工部尚書裘日修作硯

其巖香存蘇東坡墨妙亭詩十二字硯陽面左刻
守仁印右刻陽明山人印右旁分書驛丞
署尾硯尚書篆銘詞於右旁硯
係端石之佳者方廣約四寸

羚羊峽口披烟液雀臺龍尾俱揮斥硯材本自數

端溪况是文忠文成兩公所書之手澤文忠詩思

如湧泉鐫勒銀鈎並鐵畫何年劫火碎球琳太息

雨淋兼日炙遺字堪尋墨妙亭流星忽落龍場驛

鎮圭尺二瑁四寸至寶盍須論寬窄追之琢之文

墨賓文成荒山數晨夕後來掃平逋寇除逆藩硯
乎硯乎羽檄飛書功燁赫講學猶受羣兒譏硯乎
硯乎天泉四語誰汝摘方今司空心好古寶汝不
啻千金璧或稱龍體黃或誇鸛眼碧或競火輪赤
或侈蕉葉白近人尤美青花名茲硯位置宜何擇
噫吁噫紛紛過眼如烟雲峴山漢水胥陳迹文忠
文成今已杳獨有文章勲業傳方冊司空愛古心
悠悠不在區區一方石

送別駕成城赴臺灣二首

本具乘風志眞爲萬里行魚龍迎去槩島嶼列前

研經堂詩集

卷十

五

旌書諾宗資逸題輿仲舉清孫盧氛息久撫卹此

編氓

識君由鎖院把卷一燈青君爲予庚辰分校禮闈所得士鳧舄行

曾速魚書寄未停十年重握手萬里又揚船樽酒

休辭醉離懷水上萍

題戶部侍郎宋邦綬公餘課子遺像

繡斧還朝掌度支風流倏忽不堪追諸郎官舍趨

庭日老子城南課讀時書卷從來百城擁金籬何

似一經遺最憐題句東陵邵冰雪心期幼婦詞謂邵

玉芝前輩
題畫詩

題延平太守沈維基松梅吟嘯圖

尊梅無如香雪海看松何似棲霞山頻年遲踐向

禽約開卷卧遊烟霧間歷落蒼髯相晤語啁嘈翠

羽聞間關期君永結歲寒願竹杖苾鞋同往還

萬林題御史鄒夢阜所藏座右禮部侍郎贈尙書

于傳 鄒一桂 畫山水小幅

夢溪為寫好溪山辛卯冬先生入都為意度同茲

伯仲間無那展圖成絕筆遙瞻東郡淚潺湲壬辰春先

生卒於東昌

菊花開日合朋簪歲歲聯吟接塵談白月虎坊秋

研經堂詩集卷十

六

夜冷西州痛哭祇羊曇先生寓居虎坊之東好種菊花開日必集名流賦

詩戊寅曾為夢熊寫菊花聯句圖

題楷亭攝山九松圖

孤舟一葉泊江灣風雨曾經上攝山不到長干二

十載鹿泉猶記水潺潺

萬株松裏九松高地肺遙連迴慕陶君坐雲根風

謾謾居然重閣響清濤

送明府焦作新歸京口即和其留別兼柬舍

人蔣宗海

津門秋暮海潮來有客高歌放棹回江上蓴鱸風

味足不教長踏軟紅埃

詩卷江干影半沉吳門宗伯契偏深

君老友余京有江干集歸

愚宗伯訪之江阜并刻其詩於別裁集中

飄蕭白髮輪君在歸理殘編

續苦吟

紅牙紫玉按歌新憶昨開筵落帽辰今日米嘉榮

已逝北邙辛苦哭陳人

君昔住京師歌者陳郎類為翁侑酒今已死矣故留

別詩有座中亦有能歌者不是何歡舊日人之句

黃花到眼數歸程三徑比隣繫我情

謂蔣舍人

邇日著

書應仰屋荒江修綆汲澄泓

同年編修張

坦

招飲衡街精舍咏盤中香櫞

研經堂詩集

卷十

七

二首

嘉果來何處輕勻散玉盤霜高增氣色歲晚耐清

寒名自桐君籙香侵石佛丸祇應伴三九留與庾

郎餐

茅舍清溪畔青青樹一株

吾家草堰舊宅有枸櫞一株

十年無

倚着三徑就荒蕪瞥見堆黃實渾疑坐翠跌吹來

芳氣滿不羨令君廬

題比部晴溪張

模

戴笠圖

昔時戴笠還乘車翩翩年少趨直廬手持尺一羅
浮居今日乘車憶戴笠昂藏野鶴成孤立青箬吹

來風習習乘車耶戴笠

丁當筵色自舞壺觴

入手興常賒從君借閱消夏記中有守溪題畫字
頃從君借孫承澤銷夏記中有王守溪東坡戴笠圖贊 金蓮玉帶眞天仙負

瓢行歌亦快意但須寄語畫師知圖中人豈巖石
姿泥他邱壑平生語便應笑絕虎頭癡

題晴溪桐竹小影

逃名張廌千竿竹起色枚生百尺桐四部才應高
白雪拈來好句入圖中 圖成戴笠又科頭白眼
看人興趣幽君自天池六月息逍遙應與問莊周

座主大學士陳世倌 招同修撰秦大士 編修

研經堂詩集 卷十

八

范楫士 會飲寓齋

湫隘堪容足生徒共接肩不知丞相第猶歎廣文
瓊散帙堆連屋成書畀十賢公以所刻十賢傳見遺 因之垂
教思把卷意凝然

尊酒朝開甕盤蔬午薦庖勸酬忘輩行賡唱任推
敲桂老常增辣荃芳肯化茅清設促更漏心折德
音膠

座主吏部尙書孫嘉淦 挽詞

噩夢無端夜剔釭山頹木壞劇增懣閭閻涕淚懷
司馬朝宁端凝想曲江秩冠六曹師表峻才掄三

榜士心降

公連主辛未壬申癸酉鄉會試

平生經注功垂畢遺疏

銜悲點易窗

公遺疏言詩書二經注已畢惟易注尚未成事

京兆春闈早受知

壬申鄉試三月會試八月

入秋讀卷重台司

會試公充讀卷官以夢熊卷與進呈之列

下帷愧乏江都策鄉闈以對策受知於

公遂取定分校學士奉碩亭先生易一房首卷

伸紙思題有道碑函丈諸

生同望斗臯比遺老竟騎箕不堪細檢公西志素

旒飄搖漬涕洟

張晴溪招飲題吳仲圭竹譜不全卷

卷首仲圭自書

東坡題文與可篔簹谷偃竹記長五尺餘隨得新篁百葉斜出一梢而其後盡為人割去

研經堂詩集

卷十

九

開元以來寫墨竹道子摩詰最雄獨流傳競說李

夫人高格何緣混脂盞

十國春秋載墨竹始於郭崇韜夫人李氏而黃山谷

以為始於吳道子李日華以為始於王摩詰

此卷寒梢抽翠琅烟姿雨

色橫瀟湘誰與作者元吳鎮梅花野屋堆元霜可

憐渭川失千畝殘縑瘦節蛟蛇走初疑東坡老居

士不然洋州饒太守篔簹記文冰雪如卷首五百

餘明珠人云以畫掩其竹吾謂以竹掩其畫

孫大雅謂

與可以竹掩其畫仲圭以書掩其竹

書全畫缺亦何怪存之可見四

家派金寒石泐會有時寥寥此意何人解秋臺郎

官心好竒袖金市中購得之酒間示我珊瑚枝請

我發筆題新詩我聞子昭多積鏹道人妻孥增悒
快過眼雲烟二十年聲華迥出隣人上卽今斷筆
就飄零風搖碎影聲瓏玲偃仰傾欹自有意中藏
直幹撐青冥蒼莽莽氣韻異華亭尚書申殊契
昔日王孫金錯刀鐵網珊瑚稱魏公工真行篆隸
又能以飛白作石金錯刀作墨
竹皆古人之所鮮能者書耶畫耶豈絕致此書相如趙璧完
奇珍席上歸來看此畫少陵飛鳥句脫字欲補吾
知難

十一月二十六日雪夜飲少詹錢載席上食

糟蟹戲作小詩

研經堂詩集

卷十

十

元冬凜冽朔風颭酒人會合申歡醺初拈瓜瓣茹
寒齋次第中厨出豐膳主人掀髯發興豪舉杯勸

客持霜螯直沽致來三百里金穰酥片舖其糟楊萬

里糟蟹詩酥片滿螯疑
作玉金穰鎔腹未成沙糟邱風味何清美知有黃

中涵白芷物類相感志糟酒醬蟹
入香白芷則黃不散底須參豹始揚

眉却陋解黿方染指我家開湖開翠奩練湖一蒲
名開湖

帆十幅迎朝暹橙黃稻熟霜林晚斜陽竹籬收團

尖邇來遠別雲水窟茶眼琴聲易飄忽乍喜點芼

輸精庖柳貫詩紫蟹著糟新點
芼黃魚剝鮮滿流膏况聞笑語參吳越

微醺散步東堂東摩挲兩軸古鼎鍾少詹鉤榻秦漢以來金石

文字數十種裝背
兩軸懸之壁間
丞嘗那逢劉原父欸識莫辨薛

尚功但記終童知訓故磊落不廢蟲魚注作賦猶
強翰鞫題登盤肯使虻螟誤有肴既佳酒滿斟公
等休辭饑底深門外雪花大於掌梁園今夜催歌
吟

送劉長靈之廣平任二首

清溪三百曲官舍水雲隈頻歲凋殘後

廣平屬邑
連被偏災

遲君撫字來鳴鴻原有宅買犢藉誰才風雪衝寒
去循歌到草萊

舍弟同蘭譜

君與亡弟香晚同舉丁
丑進士距今十年矣

於今已十年

研經堂詩集

卷十

十一

鴿原悲宿草鳧履美飛仙風雨黃州夕壺觴赤壁
船山陽能感舊明發寄新篇

題風草圖送給諫顧光旭出守孟夏

下民惟草爾惟風經訓紛綸入畫中漢吏優崇二
千石夏人企望使君公雲開郭塞旌幢轉雨過車
輪黍稷豐早晚璽書褒異等好圖循績奏珠宮

題申南屏停車圖卽送之四川廣元任

碧柳垂官道輕風送馬蹄鬚眉還似戟眼膜不須
鏡山石秦關外江聲蜀棧西茲遊信奇絕穩步躡
天梯

循吏文翁最征途復此經畫圖常自展轆轤豈能
停徑叱王尊馭應占李邵星試才先小縣報績上

形廷

為許州牧徐元弼題關山紅樹圖

圖係徐君宰榆林時

報政還京抵居庸關作

鷄聲啞啞徹巖關絕塞牽絲報最還夢繞黃河穿
套口心驚紅樹落孱顏飛湍細瀉彈琴峽積翠遙
橫駐蹕山倚磴片時探絕險高秋一鷲上雲間

戊子修禊日觀九龍山人青山白雲圖並題

畫詩適上舍顧

建元

出慧川園居圖索題

研經堂詩集

卷十

十一

因用孟端原韻題於幀首

青山出雲雲不住泉流瀟瀟雲深處畫圖中見辟
疆園四面嵐光入烟樹樹底空濛鷗鷺羣樵歌漁
唱行紛紜咫尺聽松菴外路山下泉聲山上雲

唐滄南梧潔桂芳圖

子應焯予已卯所薦士也

碧梧生朝陽金粟開林嶺四野風日道參差墮清
影中有幽人居悠然愛寂靜聊當閣三層焉用田
二頃視彼叫囂徒到處聒蛙黽何如樹石間坐嘯
移日永他年駕水湄訪君乘舫楫

題明府沈

維基

琴鶴圖卽送之長沙任

同擁皋比坐講堂詞華人羨沈東陽十年分手湖
湘去顏色常隨月照梁

辛未壬申間予與明府同居乾石橋官學

行部江山秀色重澧蘭沅芷認遺蹤官齋大有騷
人宅漫數州民陸士龍

琴餘流水高山韻鶴自丹邱碧落遊此是使君耽
寂寞要追清獻結朋儔

童孺頻傳竹馬謠姓名今苟御屏標憑君不負

吳公薦書繼長沙上紫霄

送明府陶

易

還衡陽任便東門人蔣

一璉

絕代蘭芬楚客詞合江亭畔買山池波光綠淨移

研經堂詩集

卷十

三

官舫花氣濃薰詠好詩

瑤殿卽今徵異績銀章計日下仙墀明當發棹湖湘去

藉訊元卿繫我思

題文學潘

少白

整冠玩菊圖

擢秀三秋氣味清曉來巉岫此餐英遂初堂畔先
芬在合對寒花共結盟

題明府韓

燕

玩菊圖卽送之永明任

字鶴峯

見說秋容沒黃華耐早霜不嫌三徑僻能殿百花
芳品自凌寒貴香緣到晚長官齋近湘水合共露

蕭管

東郡趨庭舊郎君竹素俱九原悲宿草

謂尊人陝州牧衍桐

千里見名駒薄宦承堂構清芬入畫圖明當行望

縣心跡比冰壺

題登高望遠圖用青蓮韻爲同年編修曹

文

植尊人作

登高邱望遠海岱輿員嶠辭六鼇神臯尙有三山
在三山縹緲洪濤中玉樓金闕生光彩彌望浮天
杳無岸寂寞成連撫琴待君家天都峰峻嶒盪胸
雲海紛相憑五色爲慶三色霽彌漫石筍頻扶登
榻來江上上焦麓懸崖撒手行偏能海門高浪接
跌坐坐看萬里長風乘

研經堂詩集

卷十

十四

題范克堂照

東風二月試輕紈山水盤胸數范寬無限春光橫
素練憑將翠色報平安

數竿疎影媚清幽爲爾虛心氣味投漫說葉痕如
篆體誰能筆法繼湖州

鎮日軒窗對此君冷然憂玉靜中聞披圖若個銷
塵思棕笠蕉衫映碧雲

編修陶

成

歸去來館詩

先生號吾廬孫其
懷爲予同年友

粟里存孤館田園未就蕪肯堂遺太史設藝集羣

儒花外衣冠古樽前語笑殊有時還獨酌山海自
觀圖

評詩憐記室升降鬪詞鋒豈有中庸格能安隱逸
宗一編敦宿好二仲躡遺蹤至竟東臯在來孫識
景從

陶編修十二樂圖

君子求三樂公標十二圖西清閒鶴夢北郭奉山
觚香滿羅含宅恩深賀監湖承平休沐暇逸興繞
菰蒲

祇道桑麻長都無車馬喧琴音綠綺外履齒碧山

研經堂詩集

卷十

五

樊希聖常中酒忘憂合樹萱畫中佳趣足得意更
無言

題侍御顧

光旭

春風啜茗圖

昔遊九龍山蜿蜒開笑兀初入磴道盤稍深寒泉
瀉方塘甃石池澄澈鑑毛髮手攜穀雨茶蟹眼沸
涓涓晴空天界高日暝憇林樾本無桔槔心况復
清到骨縞井盛膽瓶解維載歸筏茲事十五年重
經對碑砭積雨憶彌旬扁舟忽超越君家梁溪旁
翠濤藏十笏想過聽松菴竹爐吟興發寫成啜茗
圖桐陰坐消渴七碗御輕風馮虛望仙窟

研經堂詩集卷十一

丹陽吉夢熊涓厓著

孫鍾穎刊

京邸二集

恩賜鄭宅茶恭紀

曾於試院品靈芽坐客同將鄭宅誇舌本久離珠

顆露頭綱新降

玉皇家壑源製焙千夫役閩海程途萬里賒莫下薑鹽

箴婦孺色香味最貢包嘉

恩賜尚書房師傅盤糖恭紀謹依

研經堂詩集

卷十一

皇十一子元韻

一

乾飴久擅食單珍經幄新來拜

賜勺歷口漫懷回味果膠牙欣訝送盤人柔條寸寸如

涵露香屑霏霏早占春少日錫簫頻入耳江鄉難

得此芳醇

恭慶

皇上七旬萬壽詩

七言古一百韻

乾隆四十有五載歲陽庚幹月酉支寶篋綿延泰

元筴

聖節七旬長慶期華封人申三多祝召穆公述萬壽詩

我

皇德功溢圖牒臣何以竭管窺敢紀長歌當介雅拜

手稽首陳丹墀我

皇欽福由建極兢業逾姚更邁媯圍壇薦禋欽昊緯方
其芬澤秩祀虔靈祇瑞囊紛霏冬饗淡甘霽優渥春祈

台博滋不詳資黃門西謝西壯紫紫

帝心誠感亦特

天心鑒

聖烈寅紹

祖烈垂高山天作峙長白邠居允荒咀矣岐

研經堂詩集卷十一

二

劍烏煒煌緬雄構褒鄂颯爽懷英姿陪京珠阜頻展謁
聖殿三輔軒鼎紆慕思禘祫蒸嘗以時舉於穆清廟陳
明齋莊敬日強所無逸愆屢省勤疇咨近自大

帝心僚遠丞倅

召對從不拘官資黃門匭函堆案進

批荅會無晷刻遲六計弊吏廉為本鳳麟超登饗饗禡

官方澄叙民隱恤閭閻疾苦皆周知重農服田在

力穡天田

躬自操洪縻方隅偶然遭旱澇帑金百萬賑貸施史書

豔稱捐租半四次普免叨

洪慈高年存問頌粟帛節孝旌異風澆漓書登毗俗節

士習

天語丁宣大學碑春秋甲乙開恩榜文還雅正懲喧卑

三百六旬天行健時巡羽蓋紛繆纒直沽瀦洩蓼

花淀桑乾修復督亢陂採風上都鹽海濶展義臺

麓天花粦斗車中央禮中岳山呼萬歲聲歡怡七

十二君封太岱齊州九點烟迷離柴望肆覲循舊

典金篋石碱啞新儀曾殿巋然近尺咫孔堂升拜

鏗金絲

臨雍青衿親日角詣里黃瓦籠雲楣改易元和用周範

研經堂詩集

卷十一

三

雷回瓠卣雲云藝

聖人尊聖同一揆光榮不復詢孔僖日觀高懸匹練影

淮海黃運勞駢胝龍門九折雲梯瀉漚以洪湖益

渺瀰高堰長堤衛湖水導之清口趨河湄淮湖尾

閩泄異漲下河原田承漏卮

睿謨五壩定水誌庚辰鐵鎖無支祁濁河會淮淮受逼

逼近倒灌波奔隨木龍已疏陶莊築諧和寫散安

馮蠡澤濤灑澹民居奠漕艘銜尾行演迤路出秦

郵經邗水渡江鼉梁平不欹帆入勾吳向於越越

濱大海無津涯龜山赭山分蕩瀟夫山塔山束嶮巖三

壘分趨利害異頻年側向北壘移北壘勢抵鹽官
境長塘柴石互傑池柴則數更石經久指授離柴
壘石爲從此田廬資保障瀛濤山骨相撐持鴻績
平成恬海若威稜輝赫凌坤維往者朔漠暨青海
兩朝遺緒慎戒麾下蒼眷佑篤

皇祐降人接踵來邊陲呼號拯救水火脫
廟畧決策揮神鉞遂犁其庭掃其穴榆塞層關露布馳
麼磨好騁蝸角戰黠徒畔服無常規服者加爾冠
土帶賜畔者爲爾折筮笞天方凹睛亦凸鼻殊域纏
頭兼冒衫番字細書書大燾重之不啻靈姑鉢桓
研經堂詩集 卷十一

四

桓將士奪之倒韁包捆載致驛騎
王師所至如時雨壺箒遠過都護治經營五年克底定
計里二萬踰條枝止戈爲建將軍幕屬籍都教編
亂畧戶殺監牧歲時進宛馬駟馭驛駱騏驎駉愛烏四
駿尤殊特驄騮駉白精權奇提琴欲鼓越裳操繩
伎還歌渝舞詞元正大饗肄樂部仿古鞞鞞氏所
司無瑕玉晉堅昆枕有暈銅呈嶸嶸匪方物畢獻
輸忱悃

渥恩浸被浹髓肌兩金川在桃關外隣番構孽萌潛欺
憶昔安羅奔駢喙轅門乞降語嗚咿侵尋乃鼓連

鷄勢用飛電鞭驅雷輻摧其礪卡入其阻失險何
處憑躡踈渠魁後先俱授首屠斯梟獍除魃魍耕
屯一依闢展例青稞作飯雪翻匙

神武布昭

聖文蔚發抒至道天地彌經筵搜抉六經奧史評剖决
列史疑一百六部吟全韻七十二候紀四時河流
縷析蒲昌海江脈條分剛底斯塞垣三藏及灤水
桑酈舛訛爲劃劉述微韻統並圖志方言同異詳
分披嶙峋

御集該謨典制作眞源沿孔姬幾暇臨池灑

研經堂詩集

卷十一

五

宸翰鸞鸞鳳翥龍躩踞上抗禹書掩籀畫何論鍾傳與
羲之文武之道方築布

詔訪散軼蒐闕遺名山石室歸嶺輯太官日日給隄糜
琳瑯四庫多秘籍締造三閣敞文樞石渠開笈芸
辟蠹西清摹篆鼎盤螭懿綱遠覃無方外塞館肇
闢庠蠶基蹈德詠仁胥有秩醲膏湛露汜無私今
年元日頌

恩詔帝王申祀岳瀆祠懷柔久致百神格錫羨長祚寔
瀛祺日升月恒儷

皇慶衢歌巷舞延

帝釐南極呈輝照垣野西方祝

嘏來迦毘我

皇端拱

天儀穆雲莊却賀謙德撫於五辰凝庶績步中肆夏

趨采齊六幕雨暘盡時若入荒民物咸和熙士遊

聖人鄉校敦詩禮農服畝畝勤耘耔毓養觸邪殪指佞

庭悉詒穀

庭悉詒穀

黼展勅命惟祇臺宣聖有言仁者壽我

皇永永凝鴻禧

研經堂詩集

卷十一

六

恩賜千叟宴恭紀

升恒俾日月苞絡周乾坤兩舉千叟宴六十有四

年繩

聖祖武惟

聖人

皇帝卽阼五十春崇效卑法心乾乾四極四和元氣彌

綸闡地二萬里黃金星石真見黃河源制作富萬

卷逸書四庫全

天文建七閣淵源津溯宗滙瀾教養天下臣民普免惟

正之供巨億萬萬縉東謁二京西幸五臺升嵩及

岱濬防巨川築石捍海潮汐不撼壘施惠江浙今
六巡行視學璧水環宮圓天篤純佑

古稀天子五世生元孫耕釐錫羨雲來昇

頒詔大賚

恩覃人神海耆百有五歲跋嶺來七閩番番陪臣航朝

鮮稱觥黃耆盈三千紉縵喜氣霽卿氛氲小臣蒲

柳依大椿侍直清禁仰

睿顏堯仁軒壽歌詠旦旦光華天

夢蘭蒙

恩投翰林院庶吉士恭紀

研經堂詩集

卷十一

七

瀛島東蒸接鳳阿塵封莫掃舊巢窠丹陽在前明有六尚書而

以翰林起家者惟姜鳳阿寶珪東蒸石而已人慚季虎頭龍侶

恩許柯亭劉井過報國文章仍雪案承家機杼認寒梭

此時梓里人啣感况在蓬門感更多

戊子十二月初九日蒙 恩賜貂裘恭紀

雪霽彤庭冷未收中官宣

賜黑貂裘衣香此日輕荀令仙骨何人羨鄴侯娛綵萱

堂增色笑披襟蕙圃禦颺颺廿年回首長縫掖寒

素

恩叨異數優

潞河行

乙酉六月二十二日舟泊揚村寄倉場侍郎溫福范時紀同年侍御顧光

旭州刺史

萬廷蘭

我乘輕舠出潞河野田菽粟風傿傿初秋爽氣致
佳絕雨珠滴瀝鋪圓荷紆迴百里背城邑但聞岸
傍喧囂叫呼急千夫萬夫牽挽不得上吳檣楚柁
如林立正供什一輪

皇都歲歲飛芻來直沽次且往蹇胡爲者白河流沙無
時無流沙挾水行河駛沿途淤澱烟波裏不施疏
濬施鐵板昆刀切玉銳無比卑官袖手愛安便役
夫虛費水衡錢坐使中流易滯軍船雇運招民
研經堂詩集卷十一 八
船民紛紛藏野岸得閒居奇求壟斷丁男擊汰
行江湖何堪苛索多羈絆是時溫公與范公碧油
紅旆搖和風珍重神倉釐宿弊芻言往往叨優容
一紙官符疾於矢五百役夫齊下水傭雇之船鱗
次排萬方稭秭航清泚我歌潞河行兼語同年生
空山伐木求友聲歌罷月明天宇清

和寒字韻爲吏部侍郎裘

日修

侍郎奉命治河請

旨迎養時

癸未三月

星輅春早度桑乾左輔狂瀾藉莫安豈有黃能滋
患害劇憐赤子累饑寒建瓴高瀉滄瀛靜陟岵廻

瞻遠道難使節歸來

丹詔下板輿雲簇路人看

疊前韻寄題寶翰樓

一名致佳樓在滕王閣與西山相對

簾捲西山雨未乾高樓百尺嶺前安風烏萬里天
連水嵐翠千重暑亦寒劉向藏書堆應遍羅含芳
草聚皆難他年會鼓長江柁拾級相從挂笏看

仍疊前韻奉陪署倉場侍郎裘

日修轉漕潞

河乙酉
二月

啣

命形題曉漏乾潞州東去近長安雲帆尚擁津門雪星
研經堂詩集卷十一 九

使頰衝野徑寒吳楚丁男檣櫓健河渠沙磧轉輸
難司農籌策高儕俗獨向春風座上看

送門人成城之羅田任

識君五載餘沒蕩敷雅素燕吳三千里迢迢隔雲
樹合併會有期駕言至通潞初春徂早秋晨夕景
依留意氣凌層霄矯若霜中鷺高談時起予匪直
文字故一朝捧檄趨驪駒忽在路涼風厲省征離
思兩遙注

朝菌閱晦朔松柏經歲年立身重晚節君子防未
然方茲縮墨綬民社是所肩願守學道素而揮武

城弦夙抱君無負，相期志操堅。摘發非無智，擊斷亦有權。馬班傳循吏，炳麟周漢前。教養戒操切，君常師其賢。

遠望無諸國，跨海兼連山。風氣所磅礴，眞儒萃其間。趙宋七閩盛，抗衡濂洛關。游楊及羅李，考亭絕躋攀。通志夾漈撰，蔡黃書禮爛。遺書或可採，治理誰能班。文翁昔化蜀，七經無一刪。君今褰帷去，報最超塵寰。

壽侍御朱一鳳暨配趙恭人七十

湖山襟帶遠，儒雅舊知名。鄴架書籤富，梁園賦筆
研經堂詩集 卷十一 十

清幾人窺諫，草萬里載循聲。晝錦堂開處，眞看繡
芹榮

七十懸車歲，重陽載酒時。黃花香晚節，白髮挺霜
姿。舉案同梁廡，開樽似習池。天然林下侶，好和郢
中詞。

重九日同年編修謝塘四十招飲聽鐘山房

騎省華年鬢已蒼，君今四十正昂藏。詞成白雪憐
高調，夢熟黃梁話短床。海內弟兄來舊雨，樽前萸
菊共重陽。疎窗徐引清風至，莫漫參軍落帽狂。
山房寂寞近旃檀，晨夕鐘聲度戒壇。靜裏哦詩心

入定曲中顧悞指更彈不成白髮催韓愈應有蒼
生望謝安眼底專城年少子可能心結歲方寒

重陽前一日同編修吳綬詔蔣和寧京兆申

甫中舍諸重光吳仲延金永槐選曹袁守

義小集陶然亭分賦得光字

孤亭高出薜蘿房勝友招攜到上方別墅拈茶懷
謝傅中天聞籟憶蒙莊切雲秀色諸峰碧薄暮疎
林落日黃不減庾樓凝眺處涼宵初擁夜珠光
刻燭詩成韻繞梁蛩吟清切起西堂明朝已是龍
沙會此夜先飛鳳嶺觴座上客同上弦月天邊聲

研經堂詩集

卷十一

十一

落孔鐘霜諸公莫厭秋容沒老圃寒花媚遠光

送同年編修張坦之維揚

九月霜華上荻蘆津門攜手立踟躕選樓名好難

兄弟

謂秋莊前輩

歸棹天開古畫圖監地河流下沙浦

排空江浪入洋湖步兵劇有秋風思到日尊前斫

碧鱸

橐筆金門賦子虛姓名早達上清居凌雲荀羨航
觀海多病虞卿愛著書歸卧江臯烟鷺狎緩尋官
閣綺梅舒奚囊寫入平山景早晚新詩一起予

送侍御馬梅阿之雲南

霜厲高秋刷羽翰向來白簡重臺端衝波洱海乘
風去疊石蒼山拄笏看欲補遺經追束皙早陳世
務學嚴安歸舟萬里從天際柱後人誇獬豸冠

驪唱沉吟別緒牽青門聽說大夫賢陔蘭自篤庭
闈眷諫草方留省寺編張翰葦鱸歸棹合

與張松坪同舟

南王恭篔簹席對床眠王元亭罷官時
梅阿招與同居漢庭計日徵
書下公等應邀見晚憐

題評事賀寬等梅前圖

先生著五禮輯要

禮說紛綸手自刪等身著作閉柴關書應細嚼梅
花讀雪後園林往復還

研經堂詩集

卷十一

七

風色飄蕭一幅巾鬚眉老去畫圖新百年耆舊都
零落贏得經生溯賀循

題賀拓菴尋梅後圖

作宦廣文官獨冷孤山門逕自敷華芸香菴霽傳
三代梅影清臞屬一家似引驢鞍衝雪積且憑鳩
杖向雲涯湖鄉景物歸圖畫便欲因風理釣槎

題大理寺司務韓衍楷澗松圖

蕭蕭澗上松磊磊山中石一幅生綃烟霧橫坐此

飄然科洗客我昔薄游京洛間與君難弟數晨夕

謂令弟樵蘇不爨鍵空齋兀對古槐高百尺君也

友愛如平原策蹇頻來相慰藉季子名題鴈塔中
泰岱東南飛履舄十年馳譽宰官身君今猶滯廷
平籍披圖清對此蒼髯六月寒光盪空碧瀑布飛
流雨跳珠竹林展眺風生腋虛堂障子足卧遊何
必浮家與泛宅

南池謁杜工部祠贈給諫

明善
二首

二月韶陽盪客舟
粼粼春水逐輕鷗
雲來東岱天門迴
路入南池粉堞幽
懷抱一生追稷契
文章千古敵曹劉
蓋臣詩史四字係
筆題額御題銀榜祠宇光

輝奕葉留

研經堂詩集

卷十一

三

舊雨重逢古任城
唐賢遺象肅前楹
雲帆曾憶吳中稻
水驛今停使者旌
天下軍儲需轉漕
山東民隱藉披誠
臨清一帶去
秋被水故云離筵且志年
豐喜春雨春風麥浪平

壽李立翁七十

立翁爲丹陽
令李湛之父

韶景三元始濃春
百福多庭前趨綵
服里外集瑤珂
七十開耆壽鬚眉
蘊粹和綺年文已
富鬻序禮爲羅早
入空羣目旋登拔
萃科粵西存宦蹟
楚北著循歌地轉
秦關迴人從劍閣
過筠驂喧緊望鳧
舄上嵯峨爲政名
長播傳經義不磨
聯榮分象簡

織字盡龍梭家範垂黃卷書聲出翠蘿次公尤駿
異別駕擁騶呵近宰粉鄉地思澄練水波桂陽勤
織屨渤海勸農箠有子賢如此高堂慶若何堆盤
新火棗對案插冰荷燦爛匡床笏琳琅瑞錦窠
鸞章當晝接鳳翮向空摩書亥年逾健貞寅鬢未皤屠

蘇剛令節遙祝晉香螺

次韻題宮庶張若澄為座主禮部侍郎介福

作寒林落木圖

遙峰新雨濺春泉獨向寒林結靜緣黃鶴山樵零
落後嵐光樹色滿堦前

研經堂詩集

卷十一

井冽秋天淪好泉兩年清夢此延緣東風莫使芙
蓉怨蒼翠都收几案前

次韻題大學士蔣溥四君子圖

畫中詩見輞川心竹石梅蘭潑墨深比似詞人最
高格陽春白雪倚知音

次聚奎堂壁間王表白韻題宮庶張若澄為

刑部尚書秦蕙田作秋堂講易圖

萬箇篔簹覆谷深先生閑向講堂臨已宗王輔嗣

名理漫數焦延壽易林畫禮山容橫夫姤用昌黎南山詩

卷中圖位別升沉時舉子有四書文入選同考官以其義經義誤詮先後天圖位

被黜故感 慚予載筆相從日欲辨探根躡窟心
而述此

題編修錢芝蘭圖

碧桃紅杏都仙種 朶朶芳華上玉墀 如此風光好

三月謝家樹更插軍持

題庶常錢大經金護圖

同校麟經分玉尺 祝將鶴算寫金護 春風坐暖春

暉 禾我亦瞻依憶故園

時余與庶常同分校春秋經卷

題宮庶張若澄

若澄

為副憲張

泰開

作樂泉精舍

圖次原韻

清曉疎鐘赴講廬 辛勤前席課三餘 老夫分得龍

研經堂詩集

卷十一

五

團賜剛好泉流到索居

東馬嚴徐夙有緣 紫清官府總神仙 日來似剪江

鄉水 二四泉連第一泉

劉伯芻品公所居惠山泉第二吾鄉玉乳第四京口

中冷第一

溪光山色照精廬 安樂窩中樂有餘 一事更教添

樂趣 樂全翁傍樂泉居

濠梁魚鳥共清緣 閑看春官聚列仙 知道玉河三

百騎 盡傳彩筆賦甘泉

題大司空金簡早朝圖

儼直寒宵近紫穹 紗燈影颭五更風 延英候對朝

應早

賜騎先驅步獨工內府職兼唐六典司空官並漢三公
向同叟讎知君健展畫寅恭久協同

丙午十一月初一日冬至

章月剛逢至朔同塔前雪霽日曛曠一陽初肇孳
萌氣三白全憑造化功松燧火添爐燄煖葭莩灰
動案光融山妻此日偕供祀研忝爲饅展潔衷

敲春

十七日立春作得春字

司天露奏良風新京兆儀陳暘谷賓

今日欽天監官奏立春風

從良方至順天府尹進春山寶座迎春東郊

料檢田塍舒菜甲蕭疎几

研經堂詩集

卷十一

六

案薦盤辛靜中適口娛清晝老去關心探錦春白
玉青絲希杜甫何人得笑庾郎貧

丁未十一月二十八日庶子茅元銘修撰錢

柴編修戴心亨程昌期秦承業五人蒙賜

貂裘茅庶子有詩紀恩索和因其韻

貂裘在筥慶雲凝中禁儒臣

寵錫膺絜雪層冰輕煖襲五更三點峭寒勝製由宮樣

天工異賁及山臚晝接會

夢熊叨賜距今年矣

回憶負

暄江上日紡毛擁絮禦凌兢

咏水中丞

滴瀝方諸月影寒策勳用爾立臺端橐中大筆資
濡染簡上清文足糾彈尉令特高三獨坐修熙同
殿五行官若爲潤色垂鴻業學海因之障倒瀾

咏金鴨爐

工作西京丁緩稀冶金爲鴨吐粉馥寓形小效鴟
尾鑄吹氣頻將鳥篆揮班馬濃熏窺意匠乙鳧細
認祇烟霏比隣不厭前身閨但覺清香晝染衣

咏桃核舟

折葦曾堪濟巨川桃園落實付工鑄憑將刻鵲雕
鳶技試作乘風載月船星宿客槎凌四七年華仙

研經堂詩集

卷十一

七

種閱三千有時放棹深溪去花徑前身漢晉前

形鹽

象形入饌典堪稽召乃邁人備物齊品味作鹹調
百醬威儀示猛壓三鸞和羹接席恩偏渥出柙登
盤視不迷可是大人占變化剖珠纍印各分攜

水始冰

良月純陰景肅澄天風吹水水成冰未臨雪夜寒
先結纔及霜晨氣早凝鐵馬踏來剛促腕金鱗負
處且收曾孫卿此日觀生意心凜威稜歲序恒

藩籬帶松菊

出郭尋芳信步移，寒松霜菊各參差。客身任挂鰓鬚杖，野色平添鹿眼籬。三徑沿緣堪攬勝，九秋映帶總含姿。園居合著蘭成賦，花木家家位置宜。

草木驗冬温

貞下璣衡欲起元，道傍植物亦生温。四時總入藏春塢，萬彙同資造化源。辟卦直坤知地德，初心來復見天根。陰陽理究江都相，甘薺冬終味細論。

瓦注勝黃金

分曹期制勝瓦，可共金衡儋石儲。何在中人產漫爭，誰知冶氏鑄不及。瓠人成意惜分陰，運材卑麗

研經堂詩集

卷十一

六

水生雙南疇計較一擲定，奇贏博埴全無毀。盧牟喝有聲擊虛，丁女弄陷敵僕姑。傾巧拙憑孤注當場，別重輕。

無聲玉滿堂

瞥見盈堂列瑾瑜，誰將雪贊繼羊孚。方珪圓璧隨形得，佩角銜宮叩響無。梁苑中逵同皓潔，謝庭嘉樹此縈紆。步虛縱有天風下，祗帶瓊囊匝地鋪。

儒爲雞廉

得廉字

仕應防虎飽，儒豈患雞廉。警旦功非細，鳴風意自恬。稻梁隨分足，飲啄與時占。淮犬分丹鼎，齊蠅隔

畫簷養唯紀消善名任祝翁僉竹實餐同潔瓜田
跡引嫌綬垂文郁郁窗啟語炎炎學士羞饜發矜
持自古嚴

穆如清風

得清字

第得從臣頌冷然善也聲樊侯式訓古吉甫矢音
成穆穆深無際泱泱發有情曲高應寡和歌作情
誰賡卽此當驪唱宦唯叶鳳鳴天風蘋末起人籟
簡中生闕職憑君補長吟屬我清揮毫媿羣雅神
聽許和平

亦在車下

得車字

研經堂詩集

卷十一

七

轅門屯宿旅轅下卽周廬故國繩牀遠行箱角枕
虛暫聽聲檻檻便欲夢蘧蘧工具三材後師旋五
夜初載興還載寢爰處亦爰居萬竈炊烟靜孤衾
嚙語徐戈及依箠筭幄幕是軒輿主將申巡蠶何
心漫出車

鳥獸毳毛

得毛字

堯廷懷茂育冬日息羣號在物求回煖如人愛復陶墜
毳新間舊茸毳展還韜何止雞憐羽非徒豹澤毛
凌霜增翮健蹴雪襯蹄高秋過明憑察風生順可
翽是誰圖没骨應與畫添毫歲晚天心厚和徵鳥

獸曹

研經堂詩集卷十一終

卷十一

二十

研經堂詩集卷十二

丹陽吉夢熊渭厓著

孫鍾穎刊

渭厓初集

關山月

月照關山接塞門清光欲護鐵衣溫
龍庭劍氣凝霜彩魚海波紋
疊雪痕銅斗令嚴程不識金城捷
奏趙翁孫凱旋早畫雲臺影破鏡
何由愴客魂

臨高臺

臨高臺上矚沈寥天下俯清冷淵
往者日以逝來

研經堂詩集

卷十二

一

者動多連自我遭逢全盛代彷彿身
是懷葛民耳不聞追呼擾目不覩烽
烟然但知湖山互襟帶櫓聲嘔啞屐
齒穿閒理獨繭絲亦拄杖頭錢撐腸
挂腹五千卷荷篋戴笠十畝田優哉
游哉再拜稽首樂萬年

朱鷺

建鼓在阼飾以朱鷺音聲遠揚文羽
紛布置之明堂如栖珠樹

將進酒

將進酒樂飲要須防濡首陶家側近
步兵廚作達

風流何足狃古來沉酒數豐侯豐侯圖形以示後
隴頭吟

隴頭峻坂不得上有激水懸危嶂落日旌旗照
列營白草黃沙莽相向漢家舊有飛將軍猿臂長
身材氣壯疾馳生得射鵬兒危急擒殺白馬將左
賢萬騎出穹廬陣苦雲深矢集裾日暮吏士無人
色將軍意氣猶自如身經大小七十戰師出東道
行徐徐嗚呼失勢尙逢醉尉呵將軍其如貴人何
衛青傳有一鉗徒相青
曰貴人也官至封侯可憐李蔡下中儔論功旋
封樂安侯將軍射石空沒矢千古隴頭嗚咽水

研經堂詩集

卷十二

二

篋篋引

公乎不早鑿亂流手提壺波濤如竹箭蛟龍之所
都曠望杳無際滅沒鴈與鳧公乎不自愛漂泊沉
湘徒銜石心淒切崩城淚模糊安樂諧伉儷患難
相扶趨公旣隨河伯妾亦從天吳榜人發愁唱千
載痛狂夫

五引

宮引

宮居中央暢四方唱始施生四聲綱君臨海寓德
滂洋

商引

秋氣肅和商聲調西顛沉碭風過簫方廉好義期
臣僚

角引

勾芒司令青陽通角聲觸地動蟄虫平秩東作宣

民功

徵引

炎天南陸馳義輪徵音鳴豫蕃祉臻時以作事治

化淳

羽引

研經堂詩集

卷十二

三

盛德在水冠六府萬物終成宇於羽孽萌子半乾

坤戶

古意

端居寡人事涉江入邃巖巖下種蒼柏江干立古

杉枝葉風前樛根株石底銜期當巨室任慎勿輕

鑄劉

採桑

商庚飛習習布穀語誦誦猗彼帝女林翠蓋何藍

鬋脫我黃金釧卸我碧玉簪微步整羅襪搵手挑

筠籃前涉菜萸泝旋經薜荔菴落硤支機石灣環

濯錦潭乳燕銜巢土游蜂習衙參草間樵子唱繡隴農家談年豐桑葉茂風和雨氣甘人可千戶比枝室四衢慙采采盛筐籠盈盈怯荷擔歸來理雲鬢用以餉華蠶蠶繭大一甕繭絲抽百兩園客纔曾習慌氏涼尤諳昔閉棘牆內今貢岱畎南朱絃薦清廟唱一歎者三

楚妃歎

楚王好田獵結宜雲夢中假途得三士論賞奪雉功蒐苗不忘武慷慨有英風樊姬窈窕姿脫簪侍後宮不食禽獸肉因斥虞邱忠九女如魚貫君王

研經堂詩集

卷十二

四

下陳充堂堂楚令尹十年薦牘空遂令秀羸子一朝名位崇後來良佐盛諫諍罔弗通斬軫資廷理勿懸聽臣工懼彼沈駒賢赦彼霍虎雄飛鳴展鳥翮薪菜蘇民窮以茲成霸業烜赫照江東何況古帝世明目更達聰

長歌行

夜起不成寐散步依牆陰池塘濱翠阜眺望極高深大地無纖翳中天皓月臨照我鬢如絲蒼茫發浩吟古人不可作委懷翰墨林古調誰復彈漫用刻舟尋相馬知骨法伐竹識琴音文章本傳道莫

與俗浮沉

短歌行

薄遊川上逝者如斯悠悠歲月云何弗思一思古

之人孰垂令名涉冰履尾執玉捧盃二解鼓宮應宮

鼓商應商慎其所比鳴聲相當三解佐饗得嘗佐鬪

得傷毋黨非義積善有慶四解譬彼作室豎稅橫楣

亦若稽田稷早黍遲五解行無愧影寢無愧衾古訓

可監永存於心六解

猛虎行

貧不炊熱釜竈饑不載薏苳車薏苳堪服食明珠

研經堂詩集

卷十二

五

招謗書朝遊入深谷暮歸指敝廬道逢礪砢石疑

是猛虎居彎弓飛羽箭逸氣凌熊渠行行慎所守

何當輕曳裾桔槔非不便丈人機事除從來湖海

意置身百尺餘

從軍行

從軍有苦樂樂從名將臨戎行身爲六郡良家子

師出交河古戰場陣勢精嚴開細柳捷書絡繹釋遠

長楊單于夜遁天山路侍子星馳谷蠡王漢家已

選嫖姚騎塞外爭看技擊強挾纊直衝瀚海雪荷

戈長踏虜庭霜博望未勞乘驛遞渥注早已貢驄

驥銘鏞巨石勲勞大影畫雲臺姓字揚從軍樂兮
樂無極樂從名將臨戎行

江干竹園

暑氣潛收野塢清風徐拂花龕茗椀烟生枕畔片

帆雨過江南

岸上奏桓伊笛嶺頭吹子晉簫鸞鳳何時度響簷

簷千个蕭蕭

甲子九月將赴吳門書院時傅野謁房師於

銅陵因作詩別香畹

涼颺起天末落英森庭隅舉足輒徙倚搔首空唧

研經堂詩集

卷十二

六

蠹念我志學後昆季同輩驢出門聯衣袂入門並

履絢攻金防柞鬱治玉用礪礪爾少姿稟異矯矯

名家駒背誦瀉瓶水老成不爾如思緒抽繭絲靜

者意有餘繫我行步蹇徑術一何迂憶從戊午秋

石城始停爐雖經頻獻璞何殊暗投珠七年叨一

薦搜索逢離朱

戊午余年十八始試鄉闈闈卷爲常州別駕朱先生元豐首薦被黜

既得又復失揣分甘泥塗伯也意慘淡僅乃登副

車

傳野中

遙遙古作者落落斯人徒庭生書帶草

高緬鄭公廬窮達何足笑但不爲曹蜍爾居守蓬

草我今適東吳一事與爾言藥畏搜方書毋任帶

圖城瘦於列仙臞伯也銅陵旋詩禮過庭趨因風
托魚鴈著書常起予

焦山訪文學彭澤令

江水來楚蜀滔滔下海門中流屹一柱濤聲日夜
喧之子耽靜者邃巖手自捫豈無朝市隱芬芳學
澧沅亦有鱗介儔高異懷鵬鯤方知春水生巨浪
如雲奔鱗魚上絲網竹萌劇籬樊時漁人網鱗魚
山僧斫新筍供
饌酌我京口酒日夕同清言

呈山長王良齋先生峻

理棹平江路春風書院亭名坐樂羣挽頽尊永叔先生主浙

研經堂詩集卷十二 七

江滇省鄉試稱得人斷佞想朱雲先生爲御史彈劾總憲風有瓊香願

今承卮酒分憐才及小子對榻細論文

文學姜元章漢招飲宛委山堂陪徵君姜上

均兆作上均先生康熙庚午舉人由鄂文端爾泰薦徵入三禮館充纂修官

書成告歸

桐廬插架列縹緗詰訓羣經鬢有霜顧我欲逾皇

甫序元章以予制義質之先生爲之題跋獎許備至旋寄東窗睡覺圖卷屬爲題句來書畧云

僕此卷在輦下爲同館諸先輩題詠曲臺議禮之儒木天秉筆之彥咸聚於斯今歸里中所見人士無如子之契予心者對君疑入鄭公鄉石渠往日子其爲我題之云云

論同異先生言予在館與方靈皋苞議多不合然靈皋每向人言館中修書無如姜先生之

洽孰經傳者蓋予粗能記誦每有論駁以經證經不爲苟同故亦得爲彼所容也 玉尺何

人校短長剪燭劇談忘漏永故家文物盛山堂宛委

山堂係華亭董文敏書額鳳阿宗伯第也宗伯有鳳阿集子士昌有雪柏堂集其後二酉有無聲詩

史韻石齋筆談今元章有韻石齋初集

人日同傅野香晚作

人日暄妍紫陌風清尊喜與弟兄同登盤已剪春初韭挑菜還添雪裏蕩詩補白華懷潔性句成春

草記神工更饒問字環羣從笑對階庭玉樹叢

贈舅氏錢受祺二首 并序

病非爲貧乃幽人之潔操廉而不劇斯君子

研經堂詩集 卷十二

八

之芳蹤先外祖名元龍字御天效王子之揮塵而談

風神散朗今舅氏名元青字受祺如石君之數馬以

對器量清醇家有藏書多研朱以點定篋餘

味非古篆類飛白之規模是爲嗜古之人可云有

人日道之士無何清風未改失路可悲已丑年爲

王祥哭母之時丙寅歲卽潘岳悼亡之日見

之隕涕聞者傷心余也幼承晝荻之恩長得

練裙之助述其既往感於動忍之天望極將

來庶守疇曩之業事成二律聊作贈言

渭陽情分久彌親茅屋淒涼話苦辛述德已愁菴

樹背謂外祖母王孺人棄世

悼亡又見榻生塵

謂舅母張孺人物故路

歧誰是能援手書富何曾解救貧猶喜村童來問
字免教兒女淚沾巾

擁絮談經勝宿師每逢時節謁親知家貧差免催
租吏丁少欣看識字兒數篋秦章留古篆千年晉
帖弄藏碑生涯工拙何當計不墜清風是夙基

借家兄傅野裕民招同文學印

昌世湯拱宸

姜芬姜藻遊練湖觀荷

湖鄉水木總清華招友同看爛熳花湘沚衣裳屈
宋艷天臺風月阮劉家紫簫聲咽移歸舫綠蟻樽

研經堂詩集

卷十二

九

開泛晚霞此會諸公多逸興憑將高韻續元嘉

聞雁

數聲嘹唳下江州月夜沙痕印跡留字寫寥天雲
宇淨音流樂府漢宮秋若爲少婦添邊思能使羈
臣動客愁珍重銜蘆防弋繳等閑莫爲稻梁謀

汲玉乳泉

解維上河隄曠然一峰秀樹杪有鶯鳴隴間聞雉
雝暮春春草長泉流出乳竇汲以縹色瓷清冽遺
芳嗅昔嘗品中冷香色味叢奏石頭城水渾涇渭
清濁糴竭來淪茗花蠅眼論火候第一無可訾四

泉亦其又

江上

江上青峰列汀洲綠樹平客帆橫雁字戍鼓應鼙
更燈火揚州路烟霄楚國城不愁風信逆自有早
潮迎

雨中過丁卯橋

積雨江臯路支筇過短橋人家艱蠲稻故地足漁
樵碑久縈蒼蘚山空響怒潮欲尋用晦宅聞說已
飄搖

擬古

研經堂詩集

卷十二

十

高堂陳壽觴冬林酒新漉兒今負笈行行李戒僮
僕嚴父篋中書兒其解跪讀慈幃手中線兒其知
慎服

臥起必同被飲食必同盤一朝事行役遽違同氣
歡兄也嗟予弟陟岡瀝肺肝弟也友於兄承萼懷
急難

哭禮庭姪四首

昔汝長年病空懸十起心驚傳凶耗至陡覺淚痕
深白髮重闌感青箱舊業沉從今謝庭上少一撒

鹽吟

羣從多文秀醇醪汝性優書宦勞馬援病自掩荀
攸天遠憐羈宦家貧動客愁如何鵬鳥賦年少重
羅憂

昔往新安路巖灘夜並船汝懷過庭訓予愛對牀
眠雙桂何年別

照學有雙桂樓

連宵噩夢牽西河添老淚

枯眼望重泉

書自新秋到魂銷仲夏初曾無續命縷終遜不材
樗婺婦悲長夜遺孤哭敝廬中年動哀樂惻愴坐
隣渠

題助教曹

洛禪

雁宕圖五首

研經堂詩集

卷十二

十一

白雲嶺

雲氣襍諸峰蒼崖橫古寺緬懷陶隱君空庭落深
翠

案山塔

上方塵思淨高塔倚層霄拾級晴空裏屏風九疊
遙

谷口峰

谷口何人到依稀鄭子真一行陽鳥下清露濕無
垠

大龍湫

匹練曳長天空中石如齒儻忽萬狀殊決決鳴不
已

石門山

措筇入深谷平遠石門山不辨鐘聲響溪亭水一
灣

又題一首

北苑大癡師法在永嘉山色畫圖收何當蠟屐通
幽徑便擬題詩到上頭蜃氣霏微甌海勝雁聲縹
緲射堂秋古來謝客登臨地尙有烟霞冪故樓

秋郊訪明經荆之棟和孝廉賀五瑞韻

研經堂詩集

卷十二

十一

早秋朋舊約郊行零雨歌翻訪子荆十里坡坵雲
斷續萬山匝匝樹縱橫習池小立添新釀鄴架宵
分護短檠同是登樓饒客思主人倒屣愛將迎

題虞暢之藏明人書廣川三策後

漢廷儒者誰稱最經術應須擅廣川朶殿從容書
上第故園寂寞已三年天人欲竟平生業匡諫眞
資相國賢近說虞卿行卷富清時挾策帝城邊

偶成 八月二十一日

御街風起颺微烟晴卷湘簾望遠天太液秋池蒲
六幅平原雪夜歲三田雲山直北砧聲急鄉園天

南旅夢懸好是騎驢如杜甫京華飄泊已經年

讀前後漢書作

劉向經術

向廉靖樂道不交接世俗專積思於經術晝誦傳夜觀星宿或

不寐達旦

春秋有五傳宣帝立穀梁更生年方少石渠事表

章始慮宦豎變終防戚畹昌精忠不能格著書懷

悲傷洪範推五行傳序說苑詳鑄金乃微瑕終不

掩珪璋

桓榮禮讓

世祖車駕幸太學會諸博士論難於前榮破服儒衣温恭有蘊

藉辨明經義每以禮讓相厭不以辭長勝人儒者莫之及

研經堂詩集

卷十二

三

建武崇文治議郎用經師春卿少力學傭工以自

資屯邇匿山谷講論忍困饑一朝風雲會稽古荷

恩私從容說書史天子屢領頤通經羽林士賴此

風教基

賈逵義詁

逵拜侍中領騎都尉內備帷幄兼領秘書甚見信用所著經傳

義詁及論難百餘萬言號為通儒

昔為六宗考聚訟靡所從長頭析疑義天地各三

宗予嘗作六宗考引據先儒說有十餘家惟賈逵

天宗三日月星地宗三河海岱之說能折諸家之中故羣經多論難大冶歸陶鎔帝選高才生叩

鐘含春容往復百萬言庶以豁塵封嘉彼屢空節

恐躡首陽蹤

達母常有疾帝以錢二萬使頽陽侯馬防賜之謂防曰達無人事於外屢

空則從孤竹之子於首陽矣

鄭衆守正

衆從父興受左氏春秋作春秋難記條例兼通易詩建武中皇

太子及山陽王荆因梁松以縑帛聘衆曰太子無外交之義漢舊防藩王不宜私通賓客松諷以意不可逆衆曰犯禁觸罪不如守正而死太子及荆聞而奇之亦不强也

青宮愛儒雅束帛敦禮聘謝彼四皓徒確然守其

正後來使單于露刃節彌勁以比典屬國先後相

輝映詔復鹽鐵官犯顏敢諫諍太息司農書宣止

章句競

研經堂詩集

卷十一

十四

鄭康成注經

康成注周易尚書毛詩周禮儀禮禮記論語孝經及諸禮

書凡百餘萬言其答諸弟子問五經義者門人又相與依論語撰爲鄭志八篇

遺經有十四三禮浩卷帙康成注該博聖作明者

述其餘箋義繁一燈照漆室因襍識緯言後人貽

口實猗嗟黃巾徒尙不入高密大賢宜服膺惇庸

欽叙秩

巫山高

巫山高不極神女下中峰媿嬾紫幽思婆娑靜冶

容朝雲行絕跡暮雨落無蹤彌望猿啼樹陽臺何

處逢

初秋乞假得請詩寄香晚卽令馳信白傅野
春仲家書往未還半年消息隔鄉關月明千里東
西屋露點三秋大小山薄俸與君供菽水趨庭話
我得刀鐔若爲馳信天都去得便歸同奉笑顏

還家二首 甲戌八月

幾載長安策蹇驢涼秋風起賦歸與青山一髮江
南路白屋三間練浦居叢菊花深元亮徑短轅人
駕少遊車春明門遠重翹首好慰高堂日倚閭

頻從樂府唱刀環鄉色猶疑夢裏還細數應徐同

逝水 謂王已山王良齋兩先生 因懷求點羨遊山判花舊雨牽

研經堂詩集卷十二 五

漁艇 予兄弟昔與姜元章兄弟湯對揚載漁舟遊練湖觀荷賦詩和者數家今忽忽十年矣

把酒新吟洗病顏微祿會非買田具暫容十畝一

身閑

酬湯文學 拱宸

別來不作方三拜會日先投七字詩 與湯別七年晤時不揖遽

索紙書七言詩見贈 京口江山原壯麗故人詞賦益清奇閉

門索句心常靜插架排書手自披盛事祇今期不

朽莫嗟高臥鬢成絲

題明經周丈 彥曾 半軒二首

向平婚嫁已粗完八十年華把鏡看好置斯人巖

石裏尋邱問壑老垂竿

小園賦就庾蘭成插枳編籬過一生需次選人垂
廿載冷官何似半軒清

周以明經入成均二十年不得學博

題方明經照

近閱文軒記高門隱碧城

近遊新安見文軒作方氏祠堂記

千嵐

黃海秀一派綠溪橫
彳亍雲生展溟濛霧入楹幽
人欣得地跌坐有餘清

昕夕迎晴靄闌干送落暉
松聲低拂檻苔影散侵
扉地僻紅塵遠山高翠黛圍
把圖歎清絕真息漢

陰機

碎經堂詩集

卷十二

十六

題文學丁

大文照

杖履飄然鬢有華水邊籬落送生涯
若爲添寫雙

飛鶴眞入孤山處士家

蹇驢馱我過山椒詩思渾如在灞橋
今日逢君風雪美
蠡沙蠶葉響生綃

題又贄上人照

浮圖傍郭勢峻嶒十載聯朋此共登
老去鬚眉猶似戟
驀然卓錫最高層

黥山學舍同傅野作

苜蓿挈盤餐空齋雨後寒
地高山入戶夜永月當

欄雁影離還合鱸堂窄亦寬對牀牽別緒何日返

江干

除夕

曲讌紅燈綴采椽

宮中是日候殿讌外藩卽各處張燈

駕出前

經帟下

直整花鞦門闌已貼宜春字兒女同需守歲錢細

檢空囊難餞臘且斟福酒共迎年

予任光祿時酒一人例送福酒一

瓶請驗式法驗後貯之將一年矣取以祀先人分家人共飲

明朝便是元正會

又見朝衣惹篆烟

謁文丞相祠二首

羽檄徵兵道阻修孤軍赴急敢淹留兩宮匡嶺支

研經堂詩集

卷十二

七

殘局四鎮朝堂擯老謀江上潮虛三日信軍中書

報五坡囚汨羅勺水西山蕨設祭門生淚不收

王炎

午生祭文丞相文酌汨羅之水將西山之薇望祭於先生未死之靈

柴市風沙白晝昏卷空神主自飛騫偉人何止科

名重義士曾教石塔存正笏孤忠同殉國

陸秀夫斷

舟上將孰招魂

張世傑

平生風節書衣帶合着靈祠

傍孔門

祠在夫子廟旁予任京兆時爲題古誼忠肝匾額

研經堂詩集卷十二終

研經堂詩集卷十二

丹陽吉夢熊渭厓著

孫鍾穎刊

渭厓二集

重摹宋搨本漢石經殘字碑歌爲編修翁

方

綱賦

翰林耐暑來山茨貽我新刊殘字碑云是東京舊石本宋人傳拓今鑄之炎精歛起珠囊理獻書寫書文在茲石渠虎觀事尤偉錄畧傳注相維持河間班班謠妃女蘭臺漆書以賂遺是時紹璫能建

研經堂詩集

卷十三

一

白博士試者真堪噍議郎臣邕憤所切六經道喪行其私請懲穿鑿正訛謬選石刻畫臣能爲熹平天子詔曰可命邕書丹工琢錐鴻都磊磊列星布日見千餘車輻馳盍毛包周系論語嚴顏春秋魯故詩以茲經義示千載豈但分隸稱神奇吁嗟一紀尋有廢滄桑幾闕石幾移或爲礮石或柱礎或又委棄爲橋基鄭公鳩聚十之一拓本深嚴秘府垂明皇在御尤寶重開元小印鈴隄糜後來儒生好博辨一體三體分妍媸揚家作記沿范史趙氏著錄尊皇義漢惟一字魏三字廣川東觀見各歧

番禺洪相雖晚出辨釋原委文紛披蓬萊閣增齋
望本重于寶鼎陳汾睢七百年來閣久毀况能片
紙窺藩籬眼中突兀忽見此百二十顆珠探驪將
毋拾自防秋館不爾掇之營造司顓門洽熟仍師
說文字增損君何疑孝乎惟孝經生讀缺筆本同
黃伯思卽語筆法亦瘦硬織波濃點兼參差召工
重刻存古則斷圭裂璧價不貲杜林從此訓故守
楚金要遵壩匾規此本不是糊塗墨元龔璘詩到
今不是糊塗
墨
形影橫山古玩隨吾鄉十字泐未盡延陵故里
嘉賢祠鴻筆試問篇章誰上掩史籀况邈斯他年

研經堂詩集

卷十三

二

揚來送君閣虹輝何止滄江湄

題太守沈

維基

出山圖卽送之泰安任二首

買斷鴛湖五畝居滿湖烟雨近前除船浮鴨嘴開
帆槳盤列鱸腮雜菜菹三徑欲攀彭澤柳一麾又
促使君旌

廟堂選用賢良急佩帶應教課最書

分符魯國刺名州

舊刺
東平

舊部今爲五馬遊再跨綠

筠歡穉子新紆青綬領諸侯授書憶比橋門屋觀
政曾於建水樓會面匆匆鞭影去幾時望嶽聽循

謳予與沈君同充官學教習比屋而居嗣
予視學閩中君守延平故有五六句

壽編修吳華孫八十二首

春水膺舟並于今十九年壬午春從吳門至淮右往返與先生同舟公

曾度霞嶺余亦下閩川持節分先後提衡遠接聯

鬚眉獨蒼古人羨地行仙

典型前輩擅交托紀誼問世德鍾芝玉家風續馬

班傳書三代久投老一身閑秦伏齊轅後非丹亦

駐顏

中秋壽同年編修張坦六十

橐從歸來已十秋傳呼鈴索記前遊靈光應輟中

郎翰湘水曾開使者舟早歲弟兄趨史局給諫馨君之兄

研經堂詩集卷十三 三

也今宵風月滿吟樓隔江遙識飛觴處同榜朋簪

共勸酬時同年舍人蔣宗海編修吳以鎮觀察秦賢俱在揚州

八月十三日太守魏晉錫邀同步月歸造協和

令弟新葺樓居率賦三首

秋宵肅金風寥然天宇淨蟾魄懸高寒窗紙明於

鏡倏聞剝啄聲清景相涵映故人邀我行街簷燈

彩盛剛逢華渚辰里巷各稱慶既以祝

聖齡因之驗民敬

接武無停留摩肩互鞞亞衰年筋力慵循牆畏躡

罇徑轉石橋東悠然做精舍窗前大河橫含漪照

樓榭難弟構茲廬十笏資枕藉香爐與茗椀庶以

永良夜

聚書垂琳琅聚畫葺竹木尊祖抱勝情

謂東瀾先生

氣

壓鄴侯軸裝成山外屏列此水邊屋與君三世交
短檠手往復薄俗耽豪華故家繼清馥隔牆桂方

香擷之伴幽獨

題夢溪讀書圖四首

有序

敝居東北行三十五里夢溪在焉潤州志
載沈括夢至一小山溪水遶其下後謫居
南徐得此地宛若夢中遂以自號夢溪筆

研經堂詩集

卷十三

四

談卽此間所著書也予少時游此愛其水
木清華有卜居之志辛卯在京兆署無錫
華冠來謁令寫小影時座主小山先生以

祝 嘏入京請補此圖歸思惘惘爲題四

絕句

癸巳六月書

夢裏溪山覺後諳懷歸賦就結行庵

沈括著懷歸賦

水雲

是我江鄉景得便誅茅續筆談

座主皤然舊典刑卻將餘事付丹青公天與清

新筆巖石中間路夙經

傳神故里數雙丁晚出華冠善寫形

吾鄉丁仲霖偕其姪鶴洲

工寫照仲霖名著蘇常間武進劉相國繩菴詩奕
逢令威隣我瘦謂我急景須留痕謂仲霖也鶴洲
僑寓邗溝所著畫訣江淮間甚重之無錫華冠往
常聞鶴洲緒論故技益進名在京華三人者余皆
有其畫此照展畫畫師三靄集茲圖奧曠擅林垆
則華冠所寫做麓叢殘飽蠹魚少時排纂計全疎才迂盼得抽
身早好踐鷗盟讀舊書

爲內閣侍讀學士曹

學閱

題虬仙山水卷

季卿瞥見寰瀛圖自河沿渭循川塗剡藤果落仙
人手也應折竹成飛鱸雲烟過眼俱陳跡畫史詭
詞矜剏獲君不見玉局詩稱郭恕先欲將狂筆詭
神仙畫好祇論畫亦足茲圖沒骨差不俗

研經堂詩集

卷十三

五

爲曹

學閱

題禮部侍郎錢

載

畫盤山五松圖

扈

躡會登紫蓋峯披圖重見五株松底須泰岱疏封爵勢
與層雲共盪胸

雪幹霜枝歲晚青中膚外骨稱山形西甘澗過東
甘澗何不因之采茯苓

壽羅定州牧許

鈞

六十

字秉銓號冷夫杭州人子學歐官順天府

通判

子將肇題品叔重剏說文世家挺名士列史多著
聞牧伯茲晚出志致殊不羣生年週六甲逸氣猶

凌雲憶初入蓮幕淨水泛馥芬運籌簿書際散跡
江淮瀆筮仕始粵西剗割揮郢斤繼乃尹京邑畿
赤用策勳讀禮一以歸茹苦卻羶董嶺嶠需才急
佩銅綰綬紋仰企卓茂密俯懷劉陶溟遂列吳公
薦用旌長官勤名登

御屏上羅定領州軍筠驂歡稚子縉袴頌使君翩然解
組去扁舟繫鄉粉郵筒富簡札茗椀迎爐薰有子
傳治譜諸孫繼清芸華堂綺宴陳芝玉森續粉君
效張平子賦歸超埃氛二月萬花放壽觴含微醺

題宮贊吳

壽目

鑑曲垂竿圖

研經堂詩集

卷十三

六

簪毫勻擘衍波箋苦憶南湖湖水邊料檢推蓬滿
書畫白虹貫月米家船

垂竿已悟釣非釣擊汰寧從漁者漁畫卷付將門
下士不教彈鋏歎無魚

和張

若淳

擢閣學詩原韻

鴈序聯翩入峻屏相門盛事似君稀憑將官譜修
家譜早以前暉引後暉祖父並當元老軸弟兄分
對省垣薇唐書張氏人十

平聲七

唐書宰相世系表張氏十七人襲

慶還期念昔徽

原作

弟兄先後擢綸扉陋質叨榮遇益稀方凜西

臺依 黼座更趨東閣傍 宸暉芳名

慚德稱珠樹 原注晴嵐鏡壑兩先兄皆由詞垣海除閣淳未由科目仰邀

特拔寮案咸以 嘉蔭重吟舊省薇姓字未能

三株樹方之 題雁塔 天恩特許繼前徽 原注上舊賜先文和詩

云便將翰苑登瀛譜喚作卿家世系圖館閣傳為盛事是日上復諭若淳非他臣可比

故破格擢授真異數也

送戶部員外袁 旋里 恭

霜信豐臺早寒花可共探忽聞歸棹迫頻詣故人

談書畫申殊契江山赴夙耽君家鄰海嶽到日緝

研經堂詩集 卷十三

七

遺菴

鳳閣昔推袁 舍人袁乾笠山為君難兄 過從不厭煩何當風雨

夜迫感鶉鷄原遺集哀殘帙 君為笠山刊遺稿 涼天返故

園省中名藉甚早晚向梧垣

為鴻臚倪 承寬 題尊人給諫 國璉 穉疇先生

畫

康成門下士絳帳隔前蹤 穉疇先生為夢熊房師張橋洲先生之座主

一捧淋漓墨如依冰雪容疎枝生古韻禿筆有餘

鋒藝事猶超絕高山志景從

一編康濟錄 先生講求荒政作書名康濟錄在台垣日經進 兆姓衛生經

直節傳烏府清芬頌鯉庭箕裘知衍業風雨欲通
靈追憶論思舊非徒翰墨馨

詠史

嬴秦絕綱紐赤帝乘其後初爲亭長時貰酒乃媪
負囊中無一錢息女奉箕帚一朝入關中子嬰上
璽綬約法三章耳侵暴竟無有懷王老將誰扼項
假之手煌煌炎漢基遺祚四百久齷齪范亞父鴻
門猶撞斗

題孝廉陳鶴鳴啜茗圖

第一泉連第四泉江鄉風味故悠然輒紅塵土炎

研經堂詩集卷十三

八

蒸日忽訝披圖瀉碧漣

長林安個龍頭鼎活火煎來雀舌茶此是文園消
渴具少眠猶復病張華

壽翁母黃孺人七十

進士翁霖沛霖之
母拔貢生翁蘭祖母

令子連鑣登上第諸孫振翮漸中達卽今娛綵承
歡日憶昔和丸茹苦時綠鬢私裝歸績館絳紗清
夜敵經幃從來貞節延家慶

紫綽焜煌下赤墀

送侍讀學士朱珪典試閩中

使節重踰嶺文星繼法星名會持憲著路復采風

經旗鼓

名山

嵐光閃魚龍海氣腥蕉窗環綠蔭過

眼向誰青

九曲藏精舍三年數去程芒筒頻手試

向刻閩中試卷爲捋

筒集藻鑑託衷誠君到簾幃日人懷拜獻情懸知諸

弟子能話玉壺清

經山雜詠

壬寅正月初十

銀杏

銀杏大十圍流傳自典午權杼枝條繁青蒼色澤

古

金牛洞

研經堂詩集

卷十三

九

洞有金牛蹟牛去金不存秦人欺蜀帝流糞安足

論

菩提井

古井無波瀾上有菩提樹樹若青牛梓力士牽之

去

象眼泉

泓然山下泉泱泱鳴不已錫以象眼名灣環照清

泚

衲衣石

誰持七條衣被此一片石居然清淨身朝來絢山

色

仙人石

有扁如砥平山椒匡牀橫安置真帖安彈琴出清

聲

方竹

何年大夏種移植此山巔虛中方其外鑿空說張

騫

雨花臺

天女花如雨高臺散繽紛誌公此駐錫說法等烟

雲

研經堂詩集

卷十三

十

讀北史儒林傳作詩十二首

陳奇

著錄門徒數百人比於吳子信超倫

張吾貴字吳子

善談

左氏斯為最開卷全經義例陳

孫惠蔚

涓澮龍門彼一時矯然庭議晰無疑如何正始論

經旨博得嘉名號法師

李業興

裴顧明堂四柱開說宗緯候已迂徊方音况雜農

家語自對吳兒惹笑來

劉畫

賦名六合亦何愚
疥駱駝形嫉媚無湯說董孫從
此出死時徒作鬼
椰掄

馬敬德

幾會孔子得儀同
侍講疏封爵命崇
到此一尋伏
地夢馬生超過棘叢中

張景仁

舊欵纏綿得景從
何洪珍後鄧長
進身八體風
流獨通顯榮超五等封

權會

研經堂詩集

卷十三

十一

吹雪紛紛到學堂
追尋占驗恰相當
墮驢不解乘
驢動畏馬偏令倒馬亡

熊安生

入鄴聲傳便掃門
果然車駕幸邱園
晉將軍少河
南號古塚荒碑莫漫論

趙文深

江陵平後得王褒
學步邯鄲怪爾曹
釋奠競爭蒼
頡祀區區末伎著名高

辛彥之

樹義金湯不可攻
隋州貢品異羣公
怪來天上堂

新構枉建浮圖立德功

何安

青楊巷接白楊頭才望從梁更入周論古后妃徵

二四空傳三調雅聲留

劉焯

石經文字付冥搜論義當時數二劉可惜連山易

本偽河間學遜信都優

陳母成太夫人壽詩

祁陽陳文肅大受之配

少日江東有夙知中丞清暇擁臯比慚叨朔野空

羣日感極西州扣築時述作一家榮節鎮起居八

研經堂詩集

卷十三

七

座肅旌麾卽今拜母稱觴候追憶平生繞夢思

癸亥

歲文肅公撫吳中採風列郡置夢熊第一招入紫陽書院肄業屢試輒拔冠曹偶暇日卽命至官齋論文越今三十五年平生知己何日忘之茲當成夫人介壽之期追溯往事敬述小詩晉於稱觴之日

題相國漳浦蔡

新

澄懷園二十友圖二首

甲辰

十二
月題

鏡瀾池館水環隄十八年前記昔題

夢熊自戊子入賜園距

今十八年矣舊居在園之

丁未方題曰鏡瀾池館窗列西山迎靄入門依

北斗與雲低簪毫習聽晨鐘啟下直遲看夕箭迷

梁燕一從離社去迢遙夢隔舊巢泥

垂老叨承

賜宴行

天恩仍許入三清

甲辰授書邦上奉部文入千叟宴仍承恩命供直內廷

披圖

勝友叅新故讀序孤蹤注姓名洛下耆英尊潞國
漢廷師傅重春卿刀圭何法長含厚便欲從公問
養生

題漳浦相國觀海圖

憶昔過福寧天風吹海立振衣官嶺巔於廓見墟
吸繼登芳削峯峯頂烟霞裊扶桑天門東東溟遠
灑溼七閩大瀛環兩山勢巖岌極睇渺三壺仙人

研經堂詩集

卷十三

三

閎藥笈峙或巨鼇抃流或驚鳧急水府臨消岫島
嶼紛插壘鯨吞厲響臻馬銜幻角觶大貝太顛求
圓珠鮫人泣金鳥共彩蟾沐浴爭漈潄大哉納百
川浮天天如笠展此觀海圖紫瀾回翕習夙遊衍
佛逢溟漲滄茫集公家太武旁崇巒每拾級盪胸
雲百層作圖年五十距今三十春鬚眉如可挹手
疏請急歸滄波故居葺爲公題此卷襟情見猶及
早擬宗慤乘晚效安期入豈羨棗如瓜竟將芝作
粒鑿茲百谷王靜者心注滬

菜圃十詠

山藥

散將冬實長春苗園叟蕭閑帶土挑鼎裏跳珠匙

綴玉駐顏從此過松喬

司馬溫公詩冬實散肥壤春苗動鮮葉梅聖俞詩山

藥數十本帶土遺園叟

土芋

沃野居人此療饑灌畦學得種蹲鴟先生合計山

林食料理靈區賦左思

莊子徐無鬼見魏武侯侯曰先生居山林食芋粟厭

葱韭以賓寡人久矣

山韭

草中鍾乳色無瑕黃染織莖碧上芽此是庾郎三

研經堂詩集

卷十三

古

九供清貧風味儘人誇

本草韭是本草鍾乳

茄子

沈約園中紛爛熳蔡侯齋外亦清疎祗期細嚼輕

冰似故事誰緇農帝書

沈隱侯詩紫茄紛爛熳綠樹鬱參差南史蔡樽為吳

興守齋前自種白菟紫茄詔褒其清黃山谷詩白金作顆非椎成中有萬粟嚼輕冰西陽雜俎段成

式問張周封茄子故事張云且看食療本草

松菌

空山一雨十分馨松下纍纍綴萬釘滑比蓴絲甘

比蜜底須採藥必仙苓

汪內翰詩戢戢寸土潤纍纍萬釘繁梅誠齋詩空山

一雨山溜急漂流桂子松花汁又云香如鷺掌味如蜜滑似蓴絲無點澁

薺菜

炊菘煮麩撒吳鹽芳薺登筵正味添不信詩人孟

東野食來腸苦若為嫌陸放翁詩炊菘及煮麩得此生輝光又云中原本正味

歷蕁絲孟東野詩食薺腸亦苦

蔓菁

想像寒庖似隔生中年玉局憶蕪菁因他根下猶

多子幽圃關心種脆瓊蘇東坡詩我昔在田間寒庖有珍烹常支折脚鼎白

煮花蔓菁中年失此味想像如隔生僧北澗詩安得脆瓊蘆葍子蘋洲南畔種殘雲

青芥

蒼石底生綠玉釵婆娑密葉影侵階祗緣辣性同

研經堂詩集卷十三

五

薑桂入饌菹羹用汝偕朱嵩山詩蔚然蒼石底有此紫玉釵

芸薑

桔槔久息丈人機福地芸薑雨後肥豈有烟霞生

痼疾偶然放筋興遄飛本草芸薑能發痼疾

甘菘

歲晚着鹽曾漬饗春來切玉競登盤分無百事猶

需做獨咬甘腴擅食单張文潛詩江鄉盛菘芥烹吐亦甘腴

入直硯銘

養正功入聖溫潤而澤於玉焉比德

題江進愛蘭圖太僕寺卿江蘭父

使輅昔遊閩水涉兼草跋公暇尋芳菲叢蘭最醜
醜永安龍巖間山品貢仙閣

永安龍巖二縣蘭充貢

劍脊別

短長佩葉分細潤趙王譜未詳屈宋賦亦脫擔頭
買數本照眼新藍潑植之黃磁斗糝以青砂末方
法隔水奩根防蟲蟻撥當其吐萼時狀態難標撮
或橫斜下垂或峭特上達鼻觀一微叅馨烈不可
遏歸來謝薏苳任彼歌憇菱今日汜光風素紙淡
筆抹重逢窈窕秋窗意以豁還君愛蘭圖國香
真藻拔

門人副貢殷

荃

以哭弟藝初詩見示依韻卻

研經堂詩集

卷十三

七

寄

春草難兄愛爾才年華驚付劫餘灰鴿原冥冥途
終閉塵榻蕭條眼莫開徒使卜商揮老淚况教阮
瑀剩遺哀賦成寡婦何堪讀露紉襄麻奠酒盃

姪壽

騰蛟

姪八十

家從東郭移西郭

姪祖居邑東陵口今移居邑西楓村

人在山村似

水村萍沼流方通練浦稻花香已度柴門年來婚
嫁心情畢老去杯盤笑語溫八十駐顏誰不羨是
何丹訣欲重論

抱簡霜臺踰七葉

自遠祖師召侍御以進士起家至姪八世矣

傳經雪

案得諸郎

姪二子為諸生能世其家學

飛揚豈合青衿老嬰鑠

憑看白髮長發篋文襄存筆札

楊文襄一清與侍御交前後書札往來歸姪

來歸姪

遺書侍御富縹湘吾宗質朴須推汝為歎

山扉晉一觴

題江都教諭管

嵩

畫潘安悼亡詩意

蕭瑟涼風墜碧梧空牀虛室繪為圖與潘同涕不

同調渠尚希心擊岳徒

官齋十舍隔山家回首糟糠淚有加一事信君君

自信不令兒女衣蘆花

赴埤城作

研經堂詩集

卷十三

七

出郭秋嵐萬疊清巉巖歷盡到埤城河流暗挾江

潮入山脈潛根地肺行兩縣界分南北岸

河之南屬丹陽

河之北屬丹徒

千家聚有葛懷民豚蹄孟酒符嘉祝喜聽

村莊打稻聲

宿法雲寺

松江判官俞希魯撰碑文云唐大中四年勅建流水院元至正八年

易名法雲禪寺

山塢炊烟散夕曛蕭寥鐘磬梵宮聞大中遺構空

流水至正荒垣涌法雲風颭雞冠秋作茜鐙明鴈

足晚燒芸我來剝剔殘碑蘚通守曾留不朽文

經邵氏五公祠

按京口耆舊傳邵節去華邵必不疑邵鍊志和邵約史公

言邵彪希文邵充與宗邵堯伯友邵毓仲
恭邵景先伯綬邵彥君美父子祖孫兄弟
羣從各有事蹟今邵氏祠祀五木主曰韜
曰節曰必曰彪曰充五人而已予語邵氏
子孫並授以耆舊傳令
詳載家譜俾之增祀

宋代門才遠人文舊有聲嚴陵工作篆邵鍊幕府善

論兵邵約授簡文思院邵堯銘勳秦鳳營邵毓循良三

縣最邵景博洽百家并邵彥世系堪徵信蒸嘗漫闕

名崇祠五公外增祀禮方成

陽巘周山

陽巘露石骨陰崖潛雲根何年巨靈劈中留斧鑿

痕山坳舒兩翼其勢欲騰奔山何以周名圖經才

研經堂詩集卷十三

六

論因之按形象周旋石筍蹲谿鈇環四面或才其

名存連山數十里列岫各弟昆拔地數百仞羣峯

如兒孫大宮俯小霍蜿蜒氣已吞松風謾謾生山

泉流潺湲竹鑪村製朴烹茗滌繁喧

自經山至張莊

筍輿穿深林暝色方晡暖初陽一以升諸峯列眉

黛行行邃谷中喜無荆棘礙不知何王墳石麟屹

相對時來龍鳳羣運去鸞鷖隊滄桑幾改更陵寢

亦破碎金鳧出人間玉碾成磨磴白骨村野毗青

山齊梁代纍纍古北邙此焉發深慨

陳山五首

巖峩壁立疑無路宛轉山空別有村此是羲皇前
世界秦人漫詫武陵源

居有匏樽行有糧蹇驢得得替擔囊西風况值新
晴候楓葉深紅菊蕊黃

林鳥鳴呼山鶉鳴山農愛種淡巴菰數聲簫鼓喧
同巷一幅朱陳嫁娶圖

晚菘秋末採盈籃行過茅亭卽草庵惟有陳山一
片月照人清夜赴幽探

烟巒低亞層層樹雲屋周遭面面山我若買田當
此處勝他清潁載舟還

研經堂詩集

卷十三

五

前後六客詩序

癸卯歲僕客韓江與同年蔣春農舍人秦
序堂觀察張松坪吳涵齋二太史晨夕相
共冬至月之初三日盧抱經學士從晉陽
歸秦觀察招飲於舊城讀書處越三日錢
籀石少宗伯從京邸來張太史邀會於爾
雅堂前後六人惟錢盧兩不相值因憶張
詢六客堂詩序云李公擇爲此郡張子野
劉孝叔楊元素蘇子瞻陳令舉會於碧澗

堂子野作六客詞後守是邦子瞻與曹子
方劉景文蘇伯固張秉道來過復繼前作
子野爲前六客詞子瞻爲後六客詞比王
梅溪所爲賦六客堂詩也僕意碧瀾堂惟
東坡兩次與會今僕與舍人等共有五人
合之錢盧則前後皆六客又皆同年豈易
得也往時同年都門聚處最盛率數十人
閱三十餘年風流雲散今惟翁覃溪宮洗
暨告假之張晴溪學使在京耳而錢盧近
多議論齟齬覃溪以抱經爲是餘無作調

人解之者昔人言正叔子瞻一生樹敵然
使章蔡之徒欲分一人以去必不從也今
世無章蔡而吾同年意見偶殊其志致固
可信矣抱經臨別曾約作詩並限詩第一
句云六人三百七三歲僕用其語而效宋
人前後六客詞作詩二首以紀一時聚會
之幸嗟乎讀舊雨之篇念谷風之什交以
其道情見乎詞僕詩殆有感焉望諸同年

屬和云

前六客詩

六人三百七三歲盧植傳經暫駐驂謂抱厨膳宴

談秦宓盛序堂蜀志纂將功曹古朴尊鱸風味

步兵耽松坪彈碁季重年差少涵齋六人中開徑

元卿跡可探春農最是頽唐唐衛尉謂香山高會興

徧酣

後六客詩

大歷錢盧總擅名云何垂老互相輕文章別作山

陵議籜石曾有堯陵之奏抱齋祀何庸洛蜀爭同

學少年俱白髮一時交態各青睛後先三日韓江

路稍喜朋儕共舉觥

研經堂詩集

卷十三

三

送巡漕給事中李照回京甲辰

昔視潞河漕漕船會七省預籌飛輓方萬石輸俄

頃乙酉夢熊巡通漕漕船抵通利於速兌可以節

故船抵通州比常年遲一月而竣事較常年先半月

今春兩持節揚州專統

領銜艦並接觸吳越逮襄郢方春

翠輦臨江海勞

巡省同時賜

召對適在桃源境二月十九日夢熊赴桃源陳家莊恭

對召

帳殿奉

龍光行窩敘素秉茲及炎暑天零雨連宵永軍卒便帆
檣商民行舴艋豈待命重申所欣道無梗水邊綠
抽蒲風裏青牽荇使者棹舟還川途泛清景論事
屬賈生宣室聽奏請

和編修張^坦茅屋爲風雨所敝詩原韻

意行躑躅來疏楹壁間書籍高於費手檢詩筒出
寸簡簡上泠泠清韻生上書好雨琴筑奏下書清
辨友朋名唯有盧仝數間屋層茅亂捲紙斜傾雖
然茅屋所關小雩壇禱作吁嗟聲憶從三月麥田
雨後乃龜圻聞蝸鳴蝸鳴五月秧鉞短驕陽暑氣
研經堂詩集卷十三
何崢嶸天公憫惻下土衆敕取阿香車子迎掣電
轟雷變頃刻溜溝寫滄紛縱橫豈獨村父霑塗頌
亦有縣官金鼓鉤插種酬神各心喜催租不須伍
伯行但願一雨十日候皇天應候敷陰晴吾儕扶
杖出近郭頭戴笠子看農耕旋理茅齊葺牕紙招
邀九醞誇張衡

題江都明府趙^湛小照

夙有名山約披圖履欲停清泉流瀲灩幽磴樹冥
冥桂馥衣間入松濤坐上聽得閒裁短句應卽付

秦青

薄宦江南路流光疾似梭神仙茅嶺有歌吹竹西
多異地飛鳧鳥連年轉燕窠祗餘鬱林石終日對
差哉

乙巳二月十六日余具山蔬邀同年明府范

邁亭

元

兵曹博晰齋

明

學使張晴溪

模宮

詹翁覃溪

方

餞送觀察沈澹園

清

任是日晴

溪以弟殤不至爲之泣然仍用前後六客

詩元韻作詩二首

故園徑欲闢三三又向春明送客驂賦就郊居憐

沈約飛同仙侶就盧耽方言奇字元亭擅

盧抱經與君同

研經堂詩集

卷十三

三

城居住近校刻方言諸書

竺國高峯綠杖探君近水仙王廟屋

萬花二月正紅酣

登第同題鴈塔名遂初君已一身輕文翁化蜀功

宜最賀監臨湖世莫爭鷗鷺盟時言在耳鶴鴿原

上淚盈睛

君弟清藻中鼎甲官翰林溘然長逝對容慘傷余長兄學博季弟庶常亦皆亡

矣今日晴溪弟殤不能赴席爲之泣然

今朝肅客腸迴處寥落何心

勸泛觥

同作

翁方綱

我構蘇齋續筆談詞場誰記昔同驂年來客共

晨星感老去君猶舊雨耽房瑄三生何處悟

此句

謂晴溪

向平五岳幾時探

此句謂漁湖

顧初入夢陳初

別合付松窗大白酣

八詠東陽舊有名千鈞句重一官輕筆床往日

茶烟在墨竹蟠雲腕力爭坐點香甌評兔褐囊

餘凹硯拭龍睛懷人莫放榆錢莢漂蕩春來漱

灑觥

李義山詩今日春光太漂蕩謝家輕絮沈郎錢

飲范邁亭寓齋再疊前韻

翁方綱

依然剪燭話城南雪後難留戶外驟鸞嘯有心

追阮籍鶴飛何意控蘇耽莫辭窠石殘縑黠且

鬪牙籌險韻探主客今宵陪沈范杏花春雨又

研經堂詩集

卷十三

言

紅酣

詩卷何須蜀道名臨安雨霽葉舟輕人歸鴈後

心逾遠夢與鷗閑境不爭山翠染將螺子色湖

光點出美人晴南池故事憑君續讀杜神來酌

一觥

君在西川會勒杜詩於祠壁故用君家椒園先生葦南池少陵祠事也

送門人邱世彥之新城任

黃圖尊督亢望縣指新城地接中都近官聯左輔

榮一行紆墨綬百里托蒼生知爾嫻儒術冰壺映

獨清

午夜披闥卷將君左癖誇

君熟左氏傳曩甲午闈中得君卷曾向同人稱

之一經推洽熟十載隔津涯

榜後子視學闕中閱
今十年始得見君

識面情如舊論心契有加壯行今發軔悃幅向無
華

題耕畝姪柳陰垂釣小照

少小塵網嬰晚結湖山興行行出郭門長河水澄
澄河柳腕地垂陰陰露石磴科頭迎午風跌坐迄
日暝釣竿初落手筇筓道傍凭呼童貫柳條潑刺
聲堪聽回憶城市囂焉能占此勝余家練水濱夙
諸漁子徑放舸入河心銅斗嚮相應歸來千卷書
不顧室如磬咿唔忘羣紛塵埃蒙范甑披圖爲爾

研經堂詩集

卷十三

五

言習靜要心定

壬子閏四月廿二日過經山宿崇教寺寺前

有銀杏一株相傳東晉時物爲丹陽八景
之一亦爲此山八景之一余十年前親見
之大四十圍枝枝葉葉鞦韆膠互蔽日干
香真奇觀也近燬於火僅存陳根丈餘寺
僧云中宵鬼火起樹中人力不及施枝條
俱成煨燼余惜其頓失舊觀又喜其本根
上青條綠葉忽綴數叢意此樹之未就枯
也詩以志感情見乎辭時年七十有二

昔遊重到碧山隈
晉代遺林付劫灰
境僻故容千歲樹
年深遽邁六丁災
捎雲蔽日成陳迹
布葉抽條茁故荄
說與寺僧勤守護
莫教剪伐失滋培

剔銀燈

同人集給練范絳士用拙齋賦琉璃燈

誰運風斤月斧移
取片瓊元圃蓮燭燒
來藜烟燃後映澈
高寒樓宇飛蛾可數
憑十二屏風吹女

表裏空明如許
不是石家蠟炬姑射冰膚
文園雪

簡一段清輝涵貯
嚴更漏鼓榮光起寒房
温煦

釵頭鳳

十二月初六日給諫范絳士少詹錢載侍御紀復亨顧光旭過寓齋小飲

時水仙花破囊故末句及之

研經堂詩集

卷十三

美

霜風冷寒宵
永引商刻羽
誰歌郢高明
集壺觴列夜遊
秉燭清言玉綴屑
玉綴屑調笙磬
和神聽天涯
合有同聲應
自怡悅忘岑寂
撫琴動操水仙團
雪潔團雪潔

研經堂詩集卷十三終

壬辰孟冬鐫

